

吳橋縣志

吳橋縣志卷十二

藝文錄下

傳

明廣西南寧知府封都察院右僉都御史晉階大中大夫
仁元范公暨配馬恭人合傳
董其昌

仁元范公既以子司馬賤恩卽家稱右僉都御史而猶冠以南
寧南寧公自貴也當少司馬弱冠成進士理東郡三年奏最當
封公泫然曰人各榮所生奈何後孺子泣不受久之謁選身自
從仕凡七任而得贈父會川公南京工部虞衡司郎中贈三母
宜人盖公志云公生有夙慧三歲能受書其大父月山公抱著

吳橋縣志

卷十二

藝文錄下 傳

一

膝上戲令客舉所讀五經試之無一字訛者十五補弟子貧辛
卯試京兆爲馮文敏公所賞署第九人矣偶一語疑被落然名
日益高旋以拔萃入胄監宗伯至鋟其文式多士畿南北及齊
魯之士靡然從之公既勃窣詞壇又以餘勇博極羣書小之赫
躡大而豐碣大爲詞家珍重海內稱公家父子文翰有大小范
之目公仕所得廉幹聲而在苕中雲間南起部最著三吳歲供
白粲從江南轉歷三千六百餘里達潞河率五鍾而致擔石比
竣事則家罄矣雀鼠中飽民其無如杼軸之役上而山龍下至
邊賚於是乎取中人倚爲外府誅求百出公在事而二厲俱去
其爲起部郎也中官以葺宮殿爲名議興土木公據禮力爭廟

門大扃七個闈門小扃三個羣閹盛氣引逆璫相恫惕卒不能動是役也微公幾費水衡鉅萬己巳擢守南甯公詫曰所以折腰者爲親屈也已矣倦遊矣始拜中丞制板輿之汴一月而奴犯京師公聞報卽趣司馬赴難司馬兼程至城下虜衆以却或語司馬曰公不待詔入援然大河縈帶諸藩南芒碭東曹濮皆劇賊左道藪膏少鑛徒鬪山而穴曉曉語難所至嘯起公何以爲計司馬曰家人居守陰足辦此矣已而以退虜功晉少司馬出鎮潞陽盖勅設也公爲行營周視壁壘則大喜人幕府蕭然如傳舍益用喜未幾歸以建儲恩晉大中大夫又二年以微病卒之日巷哭罷市族黨嗟曰吾屬何以舉火里塾泣曰吾屬

吳橋縣志

卷十二

藝文錄下 傳

一一

何以楷模而往歲叛卒過吳橋洶洶犯矣公登陴授方畧賊驚遁嚙指偶語見城上紫光中轟然巨人立云是可以知公之素矣公諱永年字延齡仁元其號先世河內遷於吳又之齊永樂中始居吳橋志不忘吳也配馬恭人與公合德曉大義司馬筮仕東郡有陰置金茗笈中相遺者司馬怒欲發恭人戒曰如點人自明何光廟登極司馬攝銓則日夜謀所爲稱皇祖遺旨二十日間推轂天下名碩幾徧拮据告瘁恭人勞苦之曰光廟一月堯舜用人其最大者兒勉之矣公之晉南部郎也會奴犯甯遠三輔咸震恭人獨身居第以二媵侍公往曰吾家爲仕族望盡室以行將搖人心先是司馬典銓值鄉政府柄朝局仰鼻息

阿邑者衆會有所屬司馬執義不顧公笑曰兒能養志吾願足矣恭人嘆曰此何時哉豈而將作郎時比不如趣之歸耳司馬歸而黨獄興其蚤見如此先公六年卒

明史忠義傳

范景文字夢章吳橋人父永年南甯知府景文幼負器識登萬曆四十一年進士授東昌推官以名節自勵苞苴無敢及其門歲太飢盡心賑救闔郡賴之用治行高等擢吏部稽勲主事歷文選員外郎署選事泰昌時羣賢登進景文力爲多尋乞假去天啟五年三月起文選郎中魏忠賢暨魏廣微中外用事景文同鄉不一詣其門亦不附東林孤立行意而已嘗言天地人才

吳橋縣志

卷十二

藝文錄下 傳

三

當爲天地惜之朝廷名器當爲朝廷守之天下萬世是非公論當與天下萬世共之時以爲名言視事未彌月謝病去崇正初用荐召爲太常少卿二年七月擢右僉都御史巡撫河南京師戒嚴率所部八千人勤王餉皆自贖抵涿州四方援兵多剽掠獨河南軍無所犯移駐都門再移昌平遠近恃以無恐明年三月擢兵部添註左侍郎練兵通州通鎮初設兵皆召募景文綜理有法軍特精嘗請有司實行一條鞭法徭役歸之官民稍助其費供應平買不立官價名帝令永著爲例居二年以父喪去官七年冬起南京右都御史未幾就拜兵部尚書參贊機務屢遣兵戍池河浦口授廬州柘滁陽有警輒發節制精明嘗與南

京戶部尚書錢春以軍食相訐奏坐鑄秩視事已叙援勦功復故秩十一年冬京師戒嚴遣兵入衛楊嗣昌奪情輔政廷臣力爭多被謫景文倡同列合詞論救帝不悅詰首謀則自引罪且以衆論僉同爲言帝益怒削籍爲民十五年秋用荐召拜刑部尚書未至改工部入對帝迎勞曰不見卿久何癯也景文謝十七年二月命以本官兼東閣大學士入參機務未幾李自成破宣府烽火逼京師有請帝南幸者命集議閣中景文曰固結人心堅守待援而已此外非臣所知及都城陷趨至宮門宮人曰駕出矣復趨朝房賊已塞道從者請易服還邸景文曰駕出安歸就道旁廟草遺疏復大書日身爲大臣不能滅賊雪恥死有

吳橋縣志

卷十一

藝文錄下 傳

四

餘恨遂至演象所拜辭闕墓赴雙塔寺旁古井死景文死時猶謂帝南幸也贈太傅謚文貞

本朝謚文忠

復園王公傳

楊亭榮

復園王公諱作肅字敬一號復園先世山東卽墨徙河間之吳橋曾祖稟誠故明山東城武令父孫錫少孤依舅氏故明輔臣文忠范公文忠殉國難乃積學不試以明經老學齋稱容齋先生生二子長卽公公生而穎異年十四能詩法律如成人十八補博士弟子選拔貢成均乙卯荐於鄉性孝友事繼母鄭承顏順志與弟作哲怡怡若同生稱於閭里於明經公之葬啟窆見

母郭枢哽絕而蘇痛已之不逮養也初署滑縣教諭叅胡安定公蘇湖法分經學治事等爲四齋訓士暇則遊茅屋畫舫間詩酒灑如人以比歐陽六一云方公之任滑以繼母鄭不就養鬱鬱不樂嘗登大伾山動梁公望雲之思捫石磴鐫陟屺二字後以鄭疾乞養檄甫上而訃音至匍匐奔喪哀感衢路服闋補南宮訓士一如滑邑十年以老歸先故有別墅在北郭外文忠假其半爲瀾園文忠歿園復歸王氏公稍葺之改曰復園因自以爲號焉居間益勵學凡天文地理楞嚴叅同契諸書無不綜覽尤精內養年七十餘雙目炯炯神采曄然詩宗少陵晚乃出入劍南誠齋間工書畫求索者戶樞爲穿晚年理益邃取宋五子

吳橋縣志

卷十二

藝文錄下 傳

五

書研究太極先天圖說顏其齋曰復初著有復初齋集行世子履吉辛卯孝廉亦工詩善墨竹能世其家

贊曰子至吳與公之孫實堅遊喜問公軼事公外和而中介繫計偕時學士韓公莢識公欲爲之地公婉卻之卒不售嗚呼以公之學行文章而顧屯蹙連蹇以老豈非命哉抑戒可知矣

河南按察司副使兼布政司右叅議分守河南道贈光祿

寺卿王允長行述

胞弟允亨

先兄諱允長字伯繩號慶我源本山東卽墨縣呂姓明武弁世爵成祖靖難避罪吳橋易王姓始祖從善代以文學科貢傳曾祖文進爲世名醫祖汝欽字子敬體貌巍峩志氣慷慨會友人

王嗇使猝被寇難隻身蹈刃擒賊救友面中七刺遐邇於今稱義俠焉父一洮號寧宇累贈河南府知府生子四兄其長也生有異姿少不好弄十六歲見賞於邑宰王公讀書署內十八歲入黌序卽於是秋失怙家赤貧無寸椽尺土資以館穀事老母蔬水必歡撫幼弟不使凍餒一歲三遷或日不舉火而誦讀益力姻親有憫其窮勸以各圖生計者泣不應乙卯與鄉荐閉戶課諸弟捋茶自甘不干公事天啟六年除山西武鄉令地瘠民貧不知生計兄爲造織紡具教之又給牛種勸耕耨邑以稍康稱慈母焉崇正元年調繁翼城值猢賊倡亂兄修戰具練鄉勇渠魁就戮士民安堵撫按題叙於崇正三年陞遼州不兩月賊

吳橋縣志

卷十二

藝文錄下 傳

六

窺澤州復調澤州時四方兵集索餉若霹靂聞賊若聾瞶兄內供兵餉外衝賊鋒城頭駐七月傷寒病目不暇一夕歸署又以三晉大侵飢民易於爲亂廣立粥廠招復流移密築鎮堡爲爲殘黎保障賊由是南渡而三晉烽火以息紳民交口稱頌撫按內監題叙軍功奉旨加級紀錄兩陞本省司道以兄寡交故屢旨催補而當事者竟已矣八年以賊據陝州逼近河東鹽課鹽院楊繩武特疏陞本省運同控扼河東不三月賊至雒攻破關廂城若壘卵乃復陞職河南府已不候憑引單騎星馳到任不進署登陴料理賊聞舊澤州至不戰遁去兄覽城外殘破情狀議築外城紳民歡從男婦裹囊興工甫月餘成金湯兵部尚書

張公鳳翼刑科都給事中楊公 各荐舉卓異奉旨紀錄十二年陞本府守道副使十三年正月吏部尚書謝公陞等公舉卓異奉旨紀錄雜地數載凶荒斗粟斗金莫易父子相食土寇蜂起僭號者二十餘處兄義撫智擒次第就平又經撫按題叙忽於十三年十一月內闖賊百萬乘虛犯雒兄督衆四面截擊月餘請兵數次各鎮不發一旅十二月二十四日總兵王紹禹遊擊羅岱續至兄分派一旅城頭一旅郭外孰意兵蓄逆謀外叛內應於十四年正月二十日城遂陷兄率胞弟生員王允才子婿生員劉大晟并親丁格鬪各被殘傷踰夜賊出兄已僅存呼吸母至抱哭兄不知也不食而逝距生萬曆十年壬午六月

吳橋縣志

卷十二

藝文錄下 傳

七

初十日丑時享年六十歲當經撫按親視紳衿李穎發等鄉耆袁金鑰等公具呈狀乞轉報節烈以獎忠魂又欽差司禮秉筆太監王裕民戚臣冉興讓往看雒城覆疏內稱道臣帶傷後死奉旨文武官員蒙面偷生者提京來問捐生殉難者作何旌卹議奏蓋故兄出自寒微諸艱徧歷一筮仕際國多難自晉至豫匕任一十六載手足拮据了無虛日桑梓未違一顧凡遇陞遷某地在彼若望雲霓在此若失父母板卧三日不得出郭是處勒石繪像遇難後兩地父老如喪考妣值歲凶兵荒不憚千里先送眷屬次扶靈柩豈旦暮撫循所能及耶胞弟允亨於崇正十五年五月初七日赴闕具奏得旨贈光祿寺卿與祭一壇造

墳安葬廕一子入監讀書十七年五月十三日割付到府炤依
贈光祿寺卿三品例該造墳工料銀二百兩匠價銀一百兩未
及造辦而三月十九日明鼎崩矣乃於二十四日草草營葬祖
塋之右悲夫

大清龍興順治二年十月邑尊王家楫同紳衿耆父申舉忠節請
祀鄉賢按院傅景星具奏學院張鳴駿批准入奏順治四年邑
尊孔思周同紳耆奉祀入祠

題劉母王太夫人節畧

詹養沉

甲辰冬余客遊吳川因獲覩其邑之舊志云考吳川爲渤海名
邑風氣淳樸尙勇敢服忠孝厲廉節其大較也諸不暇具論獨

吳橋縣志

卷十一

藝文錄下 傳

八

於其中得兩節母焉一爲副都御史張公玉母許氏一爲通渭
令周公尙文母吳氏此兩家者不唯婦節克敦抑且母儀丕著
俾其子大振家聲以揚名後世余故於諸節婦中獨稱之爲節
母焉亦曰節如是母斯不愧其爲婦也且如是母之爲婦斯不
愧其爲節也而吳川風尙之美卽笄帷亦可以概士夫矣旣而
年家劉子澤嗣來謁語及其兄西蜀江安今敕菴君之殞於賊
也輒歔歔流涕余屬譜末爲之愴然第寬之曰若而兄真獲死
所矣涕泣何爲越明年劉子乃以年伯母節畧來請余覽之不
覺撫卷歎曰嗟乎敕菴之克全其爲忠乃敕菴之克全其爲孝
也而敕菴之所以移孝作忠者皆母氏疇昔之苦節有以砥礪

之也求忠臣必於孝子之家徵也夫然劉母之節視前二母爲獨難矣蓋母爲前兵憲王公允長女方王公官河南時母偕年伯隨父之任及洛邑陷於流寇王公以身殉城而年伯亦復以身殉王遠近聞而義之當是時母携二孤間關歸來備嘗險阻矢志貞堅不欲以身輕填溝瀆獨勤劬課子冀其成立以慰所天飲冰茹蘗者垂二十年比永訣時救菴已領鄉荐矣而其季復英英秀發母氏之心其慰矣乎不甯惟是今救菴且以名進士爲國忠臣則救菴之所以慰母者爲更奇而母氏之所以造劉者不益遠且大與繇斯以談忠孝節義萃於一門然則劉母之節視前二母固爲獨難而所謂大振家聲以揚名後世者較二氏又爲獨烈矣余故樂爲撰述以爲採風者告且欲以風示乎來茲蓋不僅曰吳川風尚之美有如是俾異日重修邑志又得一節毋云爾

贈資政大夫祥甫劉公傳

賈 楨

同治乙丑余典禮部試得劉生恩溥來謁時詢其家世知乃祖年已九旬矣年高德劭慶流於裔亦固其所己巳正月公以微疴仙逝生撮其大畧而屬余爲之傳余領史館近三十年不敢以不文辭按公諱廷瑞字祥甫先世由涿遷吳生而肫厚不苟言笑父贈君卽世時公方七齡負郭田僅五十畝母李太恭人因門衰祚薄攜公依戚家延師課讀公治詩書屢有心得師甚

喜爲之延譽聘同邑庠生採芹李公次女爲室生一子卽今封君陝東先生也值歲歉食指漸繁公慮不能供億無以博親歡陰鬻田數畝以供甘旨李太恭人時已九十有六怡悅之至不覺自忘其老隆冬時欲食珍鮮公徒步往返百里以重價購致之足爲之繭迨疾作日侍湯藥衣不解帶沒後葬無資公曰薄產猶可再得飾終之禮闕如畢生憾也遂盡鬻以葬緣是家益窘有葭苳親官於浙公往依焉性介直有以訟事浼其關說啗以重利者公叱去之不少貸署中人不便公所爲諷之使去公旋時邑人以數千金之資屬爲寄歸抵家卽召其子悉數輿去秋毫無取時公子已十六歲矣尙無師公念已以家中落而廢

吳橋縣志

卷十二

藝文錄下 傳

十

學若吾子又不讀書成名奚慰化者而修脯無措中夜徬徨不得已習爲吏事籍謀升斗以益束脩公雖挂名吏籍而常以陰隲爲心輒告其家人曰吾雖不能學澹臺滅明之爲人謹師其非公不至可也藉此以栽培吾子庶可告無罪於先人乎嗣公子入邑庠四壁蕭然不以爲戚道光乙未長孫恩溥生丁酉次孫恩濬生庚子三孫恩澍生公子假館授書公以含飴爲樂爰乞除籍優游杖履者幾四十年生平不談人短最喜喫虧每遇善舉義形於色解衣推食無吝惜心泊公子迭膺保荐寵賁頭銜長孫次孫連舉於鄉曾孫六人賀者踵接僉謂天之報施不爽而公抑然不自滿也仍誡子若孫曰火旺加油勿令油絀噫

可以知公之心矣公以長孫官編修次孫官侍讀任內疊遇覃
恩累贈爲資政大夫謹臚其懿德如右

銘

明

敕賜祭葬都察院右副都御史張玉墓志銘

宏治乙丑冬十二月二十四予友都察院右副都御史吳橋張公以疾卒於家予聞之哀悼不已明年正德改元丙寅之春訃聞於朝命下禮部致祭翰林院撰文工部官督葬事以丁卯秋八月安厝於祖營之次先期子銳以狀匍匐泣告於予曰遭家不造先君子捐館故欲請銘于尊伯先生以托諸不朽予應曰吾與若翁幼同學釋褐且同年復少長今其卒矣於情實不忍銘然其生平履歷之詳可以垂諸後者予知之素矣又不容恕

吳橋縣志

卷十一

藝文錄下 誌銘

十一

然以辭而俾之遂淪落焉因忍淚序而銘之公諱玉字廷瓚世家吳橋曾大父諱士能匱玉弗售大父諱翔由明經任兩淮都轉運使司同知後以公顯贈都察院右副都御史考諱本累贈通議大夫都察院右副都御史祖妣王氏贈淑人母許氏詔旌貞節封淑人公十歲失怙弟瓊琥俱在襁褓許老夫人供紡績給朝夕延明師以誨公公雖在艸而資格標致魁梧開敏有大入丰度孝友淳篤本於天成恒懍懍焉以墜家聲爲懼刻志勵學日誦數千言十七齡以詩書領景泰癸酉鄉薦繼登成化丙戌進士後二年授雲南道御史以澄清爲志正色立朝一無所避時權戚驕恣朝士皆含章不發公慨然曰此正前人所謂當

言之秋也吾儕風紀乃避燠煙顧位自固縱假之以取好官獨不愧於心乎遂劾正其罪自權威莫敢復肆繼而按治關陝進廉去貪風裁振肅六年陞浙江按察司僉事九年以績最歷陞福建按察司副使本司廉使本布政司右布政使凡數年盜情之隱伏人民之誣罔謀逆之不規征徭之不均爲公所廉明摘發裁革損益者蓋至夥宏治七年以當道者荐晉順天府尹閩人扳轅卧轍泣以相留者載路焉旣抵官三輔之民方困併征於擡柴夫役遁避匿亡日不勝記公嘆曰邦畿之地國家之根本也本一搖而末不可支吾典守斯土俾玉毀兇逸顧誰之責迺條陳其利害便宜事下廷議皆躋之遂以爲例歲優民利計

吳橋縣志

卷十二

藝文錄下 誌銘

十三

不減千萬緡于是居者安堵流離者復業相歌舞于途丁巳歲內外以遼陽撫治缺人推其德業威望素著以往而公行至則謹斥堠嚴烽燧敦信義練軍士以守備爲本而不以攻戰爲先監帥咸欲開邊乘隙徼倖成功以圖爵賞其子姪家僕或投閒言以誘公公必正色厲詞以義責之而監帥終莫市其奸戊午考績都察院進階一級賜誥命又二年邊境肅然秋毫無失申疏乞骸骨時中外方倚重公而歸志已果留愈懇辭愈堅迺優禮之以歸公仕宦三十餘年皆居顯要關節貨賂一不敢干計其家具不足中人之產而子姪兄弟端樸謹飭斂束如常人畧不知勢之可習也公退休數年自家庭之內以及鄉黨之間親

疎貴賤長幼待之皆曲盡其道而傳其歡心焉配周氏克盡婦道封孺人晉封淑人子男一卽銳由官生發胄監以待擢用公生於正統二年正月一日距卒享年六十有九云銘曰維材之良厥庸以彰振持風紀鳳鳴朝陽澤流藩臬詠以甘棠瘡痍一洗三輔播芳偉矣鎖鑰威鎮要荒褒幽崇顯炳燿煌煌維明且哲功遂身藏旣名亦壽終焉允臧九重有命邱梓重光

勅賜祭葬明故南甯府知府封都察院右僉都御史范永年墓誌

銘

文震孟

今上之壬申二月丙子故南甯守范公以疾卒其子兵部侍郎赴聞於朝請解軍事歸守制天子若曰噫是勞臣景文之父也

吳橋縣志

卷十一

藝文錄下 誌銘

十四

景文勤於王事弗遑將父生不及養死不及含斂甚可愍焉勅宗伯議卹典司空給葬司農頒及郡邑守臣奉詔執惟謹以其年七月丁酉襄事諭塋馬恭人祔一特鉅公名人爲志爲碑爲狀幽宮羨道亦旣煥然足千秋矣乃司馬公意猶嗛然謂此大半以樞貳重非以南甯重也南甯品行政績自可大書特書則不遠三千里走書與幣請表其墓故事賜墓麗牲之石有銘稱碑不稱表今稱表者表南甯也南甯守公仕之終也明經拔萃公所發蹟也通州倅筮仕之始也爲別駕爲郡丞爲督府幕僚爲南曹郎所歷仕也公幼失怙而怙其祖五齡通五經十五補博士弟子有雋聲十八試京兆見知馮文敏公業注上第矣以

結語真然名益以噪遂選入成均禮部鐫其文以式多士公所由以拔萃者也巳試成均屢不售而司馬公弱冠登制科理東郡奏最當封公矣公泫然曰而榮而親而親其無親乎謝弗受封而身謁選人得倅通州所由以明經起家者也其爲吏治飭以文學日進諸生與談藝講德亦彬彬焉至攝州篆州事理行河河治共稱能吏此公之所以爲倅者也巳遷判於湖湖俗刁健訟好持上官短長公壹推誠待之養民惠提躬嚴而最著者捐白粲之羨役不罷勞酌機杼之供璫無乾沒殲亂民之魁旁絕株蔓輕徭均賦扶猾翼良民懷之如父母疾病必禱而去思彌殷此公之所以爲別駕者也比晉丞松郡職司防海親治師

吳橋縣志

卷十二

藝文錄下 誌銘

十五

海上壁壘旌旗頓爲變色而撫之以仁劑之以和軍實申嚴萑苻屏息清惠之譽流通江南此公之所以爲郡丞者也公始謁選甦於道地僅以常格得倅暨爲郡有賢聲薦剡屢騰而司馬公方官選部公復僅以常調得督府幕僚旋晉南繕部自公爲繕部屬有奉先殿之役羣闖視爲利藪公裁之以制闖卽引逆璫相惕公弗動守正自如採銅楚江軍興不乏而府有贏金匪獨冶鑄精亦以冰蘖無私故也此公之所以爲曹郎者也遂由郎擢守南甯於是公凡七仕而恩錫其兩先人者亦巳三矣公乃慨然曰吾向不卑小官屈首從事凡以爲吾親耳君恩三錫親則榮矣猶捫參厯并不休乎遂致其仕以歸此公之所以歸

林者也公既歸林乃受中丞之誥金緋豸繡始稱封翁然公之爲封翁又非徒以金緋豸繡榮也司馬公時聞府中州公督開府帥師入援所以戒勵之者甚備鼓行而前部曲堅重號令嚴明是時援兵至都門者無慮數十隊以中州兵第一而自開府軍行公則身登鈴閣謹斥埃由警備戢姦宄預征調羽書旁午而人心晏然則公力也開府晉少司馬以一軍軍通州擁衛神京公復馳抵通州周視營壘軍容甚整則喜已入幕府庖當拋帷蕭蕭單敝宛如僧寮則益大喜曰此真吾子而辛未之冬叛卒過吳橋將逞愴范太公饒方畧且仰視紫光燭天若有巨人矗立城隅因咋指去去一舍而難作此公之所以爲封翁者也

吳橋縣志

卷十二

藝文錄下 誌銘

十六

公神姿高徹醉後吐氣如雲居鄉不妄干謁清節恬風早然儀羽邦君大夫以嚴見憚樂善好義人有佛子之號此公之爲鄉先生者也公當寢疾時恐啟司馬內顧憂強進七箸封賓客卒之日猶飲酒觀優至暮疾革語不及他唯呢呢稱接勅旨者再而瞑此又公之精誠體國與其湛然於去來之際者也今生隆慶己巳七月二十九日享年六十有四永年公諱也延齡公字也仁元公別號也處士德吳橋之始祖也德生理理生祥祥生玉玉生鑑鑑生桂桂稱月山公公祖也會川公汝河公考也恭人馬氏公配也以勤且儉助公三十餘年司馬公司理而勗以平恕司馬公司銓而訓以正直忠厚司馬公當逆阹時欲慷慨

以明節而勸以無益於國不如歸隱此皆恭人之德之純且識之炯於幾先者也生與公同歲而先公六年卒隆慶己巳九月二十五日天啟丙寅十月十日恭人生卒之年月日也子一人卽司馬公景文女三人而以貞節著于王門者其長也司馬公娶張氏封恭人孫恩選貢生鉉超次鉉朗孫女一人娶聘嫁字皆名族狀所悉也狀稱范太公雅量類黃叔度謹厚數萬石君窮經類鄭元成吏治類黃次公清節類胡質勇退類陶元亮觀化類白香山化俗類王彥方而馬恭人之銘有曰矚以神明酌以茹吐細窺天人大權出處今之范母猶賢于古此洵公及恭人之實錄而撫以表其墓者也稱表不稱碑使過墓而式者以

吳橋縣志

卷十二

藝文錄下 誌銘

十七

南甯式非以封中丞式蓋司馬公之志也

明故進階承德郎遼東行都司斷事王公暨配牛太安人

張孺人馮孺人合葬墓誌銘

劉生中

王公諱暹字輝之別號光軒以嘉靖辛酉六月卒葬於城北之原元配牛以萬曆癸酉卒祔之迄於今二十八年爲歲庚子而次配張孺人若馮相繼卒其季子孝廉君用形家言卜域城南將以二月十日遷公與牛太安人柩并二母合葬焉乃使使持范仁元狀徵予銘予與孝廉君同舉于鄉不獲謝按公之先山東卽墨人永樂間徙吳橋五世以上不可考府之檢校英公曾祖也英生和和生釗是爲公父公生而有異質弱冠爲博士弟

子籍籍有聲數奇弗售入貲遊成均授遼東都司斷事司斷事職在訟獄而公獨持平恕多反所疑制於上不得行拂衣歸明農課讀恬如也性好施予有寒無衣饑無食葬婚無力者悉助之或稱貸不能償則折券其生平慕義類如此元配牛以子運副績最封太安人次張次馮皆有內德云男五人牛生稟齡即運副張生鴻臚序班稟謙孝廉君稟誠馮生稟貴稟化稟貴國子生於次爲二孫男一人愿孫女七人銘曰城之陽其土駢剛於焉偕藏如斧如堂宜爾子孫熾且昌

明故節孝王母范孺人墓誌銘

范景文

嗚呼予忍援筆題吾妹墓中石哉予終鮮兄弟內外無親同予

吳橋縣志

卷十二

藝文錄下 誌銘

十八

生者惟吾妹予向侍兩尊人未敢離迨父子宦分南北而左右承顏代予職者惟吾妹予晚際時艱頻厯危地單車之官不以家累隨而爲予課兒子簡家政得無內顧憂亦惟吾妹而今已矣裂臆摧心手足廛痛尙忍援筆題吾妹墓中石哉妹諱景姒生而婉變有令儀長嫻姆訓無惰容無忤視無褻語其天性然也女工鍼紉不習而精喜讀書通經史大義性孝謹得父母歡故憐愛之不輕字人同邑弘可王公爲城武令卒於官孺人張氏子德啟幼先司馬念舊好且可之遂以妹妻其結褵也張孺人病革廟見曰卽襄大事能合禮家事理之井然甲子秋德啟客死京邸訃至妹慟殞而甦復絕粒數日戚黨指五歲孤以謂

曰死固宜如此王氏一綫何乃強起就食初先司馬之官越也
妹卽從侍比自留都還里予方治兵潞河一再迎養以官署湫
隘歸未幾病予屢疏乞養不得妹奉藥碗身不牀席者累月及
罹大故哭踊無節骨體癯瘠予號咷相見兩人更相憐也服闋
予待罪南樞流氛漸熾拮据戎馬間聞吾妹瘁傷抱疴戊寅幾
危而痊旋值國難邑人爭避之妹曰頻於死數矣今卽死與死
節死孝等耳安避爲卒乃免明年己卯春率子媳南來時予建
言去國權奸伺側妹陽爲慰藉而中實癡憂至冬舊恙發歸至
清江浦而卒妹生平動合內則五宗三屬咸得懽心聞四方嚴
師良友惠教吾兒者囑家人延接加禮潔漿膾炙以衍寶有古
德爰誌而繫以銘銘曰

淚枯不死絕粒而生天相賢淑撫孤有成樂哉斯邱比翼長鳴
神靈呵護氣結華英綏昌厥後百世崢嶸

明故文學德啟王君墓誌銘

范景文

君諱世德姓王氏字德啟別號完初始祖甫名自山東來吳五
傳至遼東都司斷事暹生五子弘可公諱稟誠其季也以孝廉
令城武娶張侍御女年四十無子禋於神而生君君生而夙慧
端凝異常兒弘可公絕愛之弘可公卒於官君跣而哭伏於柩

以出武之士民哀感道上歸執喪如成人禮而孤嫠煢煢外侮踵至張孺人憤鬱病侍藥罔怠未幾卒予妹年十五始廟見兩雛髻袒承大事日攀總幃而號先世所遺殖當總總時僕婢舐篋以去不一問仍搜殘橐輸伯父鴻臚公宦邸曰吾家吏世清白用成伯父志從兄故任俠君推所分產給之乃隨予官於東先中丞任湖復携往有事請道地者以百金壽叱曰阿翁執法而污我不速去則就縛矣天啟辛酉補弟子員第一甲子試京兆年二十二歲遽以疾卒惜哉茲卜崇禎甲戌九月十八日葬城北八里橋之新阡君性淵靜不言戶外事淪茗焚香几上書史及玩物非精莫御能飲或困以紅粧竟夕不一盼嗚呼詩所

吳橋縣志

卷十二

藝文錄下 誌銘

二十一

謂其人如玉者耶曩侍先中丞病肺于湖踰月不解衣寢憶及此五內爲摧也子孫錫庠生銘曰

德不回心無滓如是之人而乃客死噫謂天無知以視其子

明故聊城主簿范君墓誌銘

李 懿

先任山東聊城簿范君以疾終於家其子春元英持仁齋郃君所爲狀來請銘按狀范君世爲吳橋人曾祖諱良友祖諱傑恩例冠帶父諱璞邑庠廩貢繼入國子監以邃易學名於西原高阜處築精舍教授生徒淵源所漸皆名士門人稱之曰西崗先生娶李氏生聊城簿君幼有至性九歲通孝經論語十五歲通易爲文閱博理致精詣故名之曰光大字之曰應元蓋深有望

焉君弱冠卽負大志亦自取號曰崇崗承父志也旣而累試有司不第以歲貢卒業成均庚戌歲謁選吏部授聊城簿職治河時值大寇邊境當事者調主客兵數萬集邊城轉輸月費數倍往昔大司農告竭憂勤宵旰而張秋南旺一帶河流忽淤塞鳧雁立中洲舟咫尺不能動糧運爲阻諸司文移旁午督催之官吏丁夫夾河挑濬者人以萬計隨濬隨於百計莫措君適至奮然曰是不可以力爲也乃宰牲酌酒爲文禱於河曰明天子龍興百八十年名山大川以時類望遣官秩祀至於今不廢山靈海若河伯馮夷歲享明禋邇年山靈助順芝草茁醴泉出白兔見嘉禾生章明天子神聖用示太平嘉禎顧河道爲梗有虧國

吳橋縣志

卷十二

藝文錄下 誌銘

二十一

計豈惟邊士嗷嗷待哺無以安內攘外抑染盛不供無以奉上帝百神之祀是山靈之不若也爾神縱不爲國報釐抑血食生民其謂之何光大忝職事茲土大懼無以塞稱天子明命將自沉以覲爾有神惟神其圖之遂露寢河上以待命至中夜忽水聲如雷震龍吼黎明津吏報河壅䟽決如常舳艫翼進無滯者歡聲騰百里上下遠近咸異之謂君精誠所格焉或疑知別有異術淺乎覩矣後郡守命監築城掘地得白金二甃卽封送府庫署縣事不罰一緡人稱其廉郡當孔道往來應酌繁劇君處之裕如也行政務爲寬大不喜刑威視百姓煦煦如子居聊城六年轉瀋府典寶君笑曰吾欲歸久矣爰折腰曳裾王門乎乞

謝政歸邑人攀號不忍舍繪像以祀君嘗登太山日觀諸峯見日出滄海中感而嘆曰萬物出震如是哉延佇久之若有得也見捨身臺曰人子以完形歸全爲孝立朝以見危授命仗節不辱爲忠此何爲者而人稱之其襟度如此春元童時親授經義多集古書俾讀之以故春元博洽多聞遂掇巍科至是疾革將易簣呼春元語之曰死生數也古稱毀不滅性勿苦苦過戚汝祖教吾時以科目期之吾以數奇屢蹶爲終身恨汝但厲志下帷親正人屏俗好務擢一甲第得貲贈汝祖父母卽若考爲不亡矣又語諸子曰孔子大聖居鄉尙亦恂恂若等當守禮自檢使鄉黨稱善人勿翹翹恃勢凌人也書曰怨豈在明不見是圖

吳橋縣志

卷十二

藝文錄下 誌銘

一二十一

戒之慎之言絕遂暝時嘉靖辛酉四月二十六日也哀哉距生宏治丁巳二月初七日得壽六十有五先娶韓氏繼娶韓氏皆前卒繼娶賀氏有弟一人名光亨任雲南楚雄府南安州吏目今致仕君同母也相處怡然曾無少忤男三人長卽春元英登嘉靖己酉鄉試娶周氏繼娶李氏盧氏先韓出也次華以貲入胄監娶趙氏次萍娶李氏余族妹也皆後韓出女一賀氏出者適陝西永壽縣令王君貫子維垣孫男二孫女七春元卜以卒之歲十一月二十六日奉君柩二韓孺人之窆合葬焉禮也因爲之銘銘曰三氏傳經書香相繼豈惟家學世德相麗嗟彼澆俗狂夫肆張得志而驕意氣揚揚惟公敦厯終始不渝藏鋒

歛鍔盛德若愚狎野者迹忘機者心不邇不殖城市山林誠目格神孝以嗣先宜爾子孫瓜瓞其綿後世有迷焉曰此范聊城之阡

明故范文忠公墓誌銘

今上皇帝御大寶之九年憫明末寇陷城都殉君死難幽忠難泯大節可風褒卹死節諸臣前東閣大學士工部尚書范景文賜謚文忠建祠子祭 賜祭田七十畝嗚呼盛哉我

皇上褒忠前代於以勵人臣之節者至隆也後數年范公婺妹之子王生偕及門士李生掇公死節實蹟及出處之能記者代嗣子爲狀謀刻詞於石請於太傅范先生先生問昔稱知公今誰

吳橋縣志

卷十一

藝文錄下 誌銘

二十三

在者猥以予對予時以病在告先生命仲子太常公過予屬爲銘噫予豈能知公者哉雖然仰述

天子休命以勵臣節史臣之職也曷敢辭謹按狀公字夢章別號質公以贈資政大夫南京兵部尚書諱桂爲曾祖以贈資政大夫南京兵部尚書諱汝河爲祖而南甯府知府則資政大夫南京兵部尚書永年之子也其先自河內遷吳復有自吳遷齊者明永樂中處士理就粟來河間府之吳橋縣五世而至公曾祖爲吳橋人云公母馬夫人感異而生公四歲能誦詩書七歲隨南甯公廷試至京師望見貴人車騎私語曰此豈天上人耶南甯公聞而異之旣而以童子試第一人食餼於庠萬曆乙酉舉

京兆癸丑登進士第授山東東昌府推官律已端密毫髮之私無自而入嘗署其門曰不受餽不受囑東人稱爲二不公旱蝗條便宜十事存活億萬人尤盡心於獄事夜半孤燈熒熒繙閱成案必求其可生不得而後已以治行遷吏部各司主事攝選事當泰昌覃恩錄建言諸臣凡以建儲礦稅廢斥一月盡登啟事尋以假去天啟乙丑起文選司郎中疏論銓弊侃侃不撓時權當魏忠賢黨與亂政惡之思有以中公公一日嚙血滿地以亟病歸始南甯公謂人曰吾子其歸矣當不爲豎闖作奉行吏也及公歸而璫日橫周忠介順昌逮北司誣賂數千公與忠介有夙昔交多方左右冀脫其死而璫數遷邏卒瞰之人憂公禍

吳橋縣志

卷十二

藝文錄下 誌銘

一十四

且不測而公不顧崇正嗣位卽家起太常寺卿遷右僉都御史巡撫河南劾監司郡守之不法者吏治整肅亡何京師戒嚴公帥師入衛抵涿州入守城賴以全在道有以茗進者公舉以酌地曰諸將士從冰雪風霜中赴國難裂吻墮指勺水不得入口予奈何啜茗耶將士聞而感泣益奮勵故授兵抵都下獨公最先遷兵部右侍郎督治通鎮護漕運三厯秋防公數乞歸養甫得請而南甯公捐館矣公以不逮含斂摧毀三年骨立服闋起南京右都御史乙亥流寇蔓延烽火徹江上遷南京兵部尚書簡額兵治樓船葺壁壘以固根本復宿重兵廬州出奇策六以壯聲援寇終不敢窺江上者公之力也賊多置奸人窺伺徽人

汪君用爲之囊橐公廉得並奸人數輩付之兵法科某貪橫軍民憤激亂且作公列其狀逮治人情始大安以考績贈三世如公官武陵楊嗣昌以內閣掌兵部畀寇張獻忠穀城三縣駐牧寇製船秣馬勢張甚公偵得其實言寇就撫不可信與武陵忤及武陵奪情廷臣以綱常大義爭者多獲罪公合九卿申論致責問草疏之人公曰疏臣之爲也遂落職先是戊寅公家毀于兵二子先後死乃僑寓南京著書自適往往與賓客賦詩飲酒優游山崖水涘間初若無顯仕者四方名流得識其面退誇於人以爲榮迨賊破襄雒犯承天陵撫局大壞武陵懼誅仰藥死廟堂思公言召還故官趣入對卽道中遷刑部尙書尋改工部

吳橋縣志

卷十二

藝文錄下 誌銘

一二十五

尙書當是時邊警方殷經營孔亟三日五趣召公至入見帝曰不見十餘年何癯也卽日受事拮据守城日夜勞瘁疾作從牀褥間爲其屬區畫凡七閱月備禦築有方經費十省八九汴河決召問於隆道閣卒用公計策底績時公配張夫人卒公陳妻亡子死之慘賜卹如例並贈公長子貢生鉉超營繕司主事以慰公甲申三月晉東閣大學士公以不勝任辭帝曰朕知卿以今寇在門庭用卿晚矣時人才摧落刑科都給事中孫承澤疏請赦擊臣張國維郭景昌等公於召對陳國維總理河道有功景昌起戍所撫楚不遑顧家才氣舉堪策勵微科臣言臣固欲奏之帝爲並釋繫治者六人公力請傳諭盖俾恩出自上且虞

傍撓也既而寇氛益逼或請出幸召集議東閣公曰聯絡人心
人心堅守待援此臣所知他非敢議帝顧之泣下曰先生言是
也國君死社稷朕豈有他念哉時大帥請移鎮入援公主其議
而終阻於異說及三月十七日賊薄城下公直宿閣中十九日
昧爽中官傳諭城軍散亂亟命都察院多遣御史巡城公方詣
中左門請見而宮人愴惶走出詰之云王太監隨駕出矣公趨
長安街朝房賊騎已紛紛道上家人勸公易服歸寓偵駕爲去
就公曰駕出不與聞今安往耶歸寓徒亂人意給侍者出遂自
經侍者覺而解之公怒曰此非爲我也因去五顯廟中繕遺疏
請恢復遺詩一首有翠華迷草路淮水漲煙漸之句復署字遺

吳橋縣志

卷十二

藝文錄下 誌銘

一二十六

家人云身爲大臣不能殺賊雪恥死有餘恨遺奏聊見孤臣一
片血誠蓋以駕出必幸金陵悞於宮人之言也家人環泣公曰
今日之事皆謀國者刻深剝削致此四十日輔臣不能挽救惟
一死以報君恩傳之後世誤國家者非我也呼一人隨至演象
所望拜闕庭先隴屬曰翌辰收我遂投雙塔寺井中死四日始
克斂顏色如新賊至公寓蕭然無所得嘆曰范閣老橐中畧無
長物真清宰相矣禁勿得輒入其門嗚呼如公大節卓然可謂
秉德不回從容就義矣考其生平出處光偉乃更如此若其行
修於內德孚於衆有不能更僕而盡者皆畧而不書嗟夫明三
百年輔臣之賢不肖不可縷指及其亡也死難者惟公一人其

以維持一代之綱常綦重矣而忠義之風烈足立萬世之範夫
豈微哉此我

聖朝所以褒而不遺也公生於萬曆丁亥十月三十日至盡節得
年五十有八元配張夫人武舉張調元女子二人長鉉超恩貢
官生贈工部營繕司主事娶都察院副都御史東光郭興治女
次絃朗娶舉人周鶴徵女皆張夫人出嗣子二人一鉉緒殤一
卽奉祀鉉秀改名毓秀娶邑廩生周永泰女今卜於順治十八
年五月十二日葬於祖營之賜阡公爲文本義理詩清逸有晉
魏風所著開心札記餐冰齋詩味元堂疏稿南樞志諸書藏於
家公昔顯貴子雖向往而媿於無因憶癸未之夏鄉人有相搆

吳橋縣志

卷十一

藝文錄下 誌銘

二十七

者皆與予善而人莫敢近公寄語曰惟子可解此紛幸而得當
及予釋褐始識公面公固知余予豈能知公哉惟論次其大者
繫之以銘銘曰烈烈范公皎日嚴風殉君死難

綸褒其忠肇錫嘉名千古之榮祭田是賚春蠶秋盛持已惟端冰
清玉寒無矯無詖求心攸安治官奕奕於時揆益文武爲憲政
有名迹石膽鐵腸萬夫之望宛若儒生鬚眉秀揚有數事賢猶
數事傳矧斯大節匪億萬年

以按此文載畿輔通志爲神道碑銘其始序云謀刻詞於麗牲
之石後銘復有四句云豐碣曠野輪蹄過者孰爲顏熱孰爲泣
下而今神道碑實祇列銜意初乞文時原爲碑銘後改用作墓
志通志乃據王公文集載之也茲依縣志錄其實並附通志異

同於
簡末

國朝

贈按察司僉事明故四川江安縣知縣劉澤厚墓誌銘

徐元文

國家得一循良吏可以風勵有位使百姓蒙休然不如得一忠節
吏氣烈凜如視死猶歸能使邊圉永壯大義常明其所裨益人
心世道誠大矣古有死封疆之臣此

當宁所拊髀而思恨不親身見之迨夫事變卒起而遐方僻隅文
弱儒臣兵柄不在其把握

天子未識其姓名乃能手捍危疆身臨戰壘攘臂奮呼開城拒關
卒至鼓衰氣竭碎首不顧者此其人於死生利害之際何如哉

吳橋縣志

卷十一

藝文錄下 誌銘

二十八

吾同年友敕菴劉君之殉難江安也其事甚偉當其與城存亡
矢死靡他慷慨激烈之氣真有出於古人所不及者君名澤厚
敕菴其字直隸河間府吳橋縣人系出山左之卽墨其先累世
以儒術顯始祖貢生得鰲始遷居吳橋由是世爲吳人青檀家
學連綿遞永其後明經貢廷及隸博士籍者凡六世迄王父接
武以乙酉鄉荐起家而箕裘始振生兩子長大昕次大晟並邑
庠士君卽次公出也生而穎異篤孝友垂髫時外王父王公慶
我分守河南君考以館甥隨宦邸挈累偕行王公一見奇之謂
君考曰興若宗者是兒也亟延良師就塾輒朗朗成誦日可千
言甫卅角試卽高等補弟子員未幾王公殉節雒陽君考亦死

翁難君孳孳孤弱母子携持走鋒刃下母王孺人令其脱身亡去勢不得相顧君踞泣曰父弟存亡未知止母子相依避難若捨母偷生何以生爲至遇賊被傷體無完膚終不忍離賊亦義而釋之比稍定求父屍薄殮奉母及弟踉蹌返里時歲馔飢拮据捋茶不給復百計經營奔迎父柩二千里外徒步重趂力挽喪車以還然坐是家益貧四壁懸磬不能負土成墓暫停荒邱率弟從師力學語之曰吾父不幸有志未酬吾等若不勉圖顯揚旣無以瞑父九泉卽六世儒風墜地矣丙戌領鄉荐益折節好修輕財樂施雖屢空不顧丙申丁內艱哀毀摧痛幾不欲生下榘讀禮愈自刻苦己亥遂成進士筮仕得四川江安縣江安

吳橋縣志

卷十二

藝文錄下 誌銘

二十九

故經殘躡城郭墟燼止鳩鵠遺黎落落數輩君下車招集勸諭自是稍稍還聚有起色亟修學課士葺龍門書院士翕然知文物之觀康熙二年以課最報無何獻賊遣孽吳天民復叛自富順變作轉鬪至江安鋒甚銳君鼓勵衆志洒涕諭以大義民皆憤激競思一戰乃率家丁息自階等鳩合民兵出城迎敵身親血戰手刃數賊氣稍振相持一晝夜其地故無堅城勅卒又乏外援特以忠義激發白梃素挺摧鋒破銳人人奮臂袒呼賊爲少却耳然衆寡懸殊終用殞傷雖至血流腦迸一綫氣屬尙呼僕殺賊不輟口家人死者七人嗚呼其忠義鐵石固足使逆氛寒膽天地晦塞昔睢陽雖破然足以障蔽江淮遏賊奔冲其敗

固已優於勝矣川中南連牂牁北通廣漢肘江負山控制邊鄙
誠天險地要而蠢爾橫噬目幾無全蜀非得君力禦苦戰死醜
賊摧魄奪氣不敢肆志跳梁則幾何而不至燎原哉君厄在一
時功在百世義聲正氣聞者無不咨嗟動色合江令陳洪諫倡
義捐助請給驛以還靈輜署中督撫諸大臣憐其孤忠合詞請
卹奉

旨贈四川按察司僉事廕一子入監讀書給與應得

誥命嘻歎

聖眷隆矣所以酌死事錄生存者侈矣君生於明天啟甲子卒於
康熙癸卯得年四十配梁氏無子生女一適庠生祝逢機繼子

吳橋縣志

卷十一

藝文錄下 誌銘

三十

一力仁尚幼弟澤嗣廩生今以君廕授江南江甯府高淳縣知
縣將之官謹擇十一月二十六日卜葬君祖塋之次不以余不
文命誌其墓而銘之誼不敢固遜爰泚筆爲之銘銘曰昔有守
臣孤城垂陷率行冠禮又有城墮曰離寸地卽非死所二者效
命綱常名義辨之審矣烈烈劉君保茲殘疆期月奏理士樂弦
匏民歌徐黍化行俗美小蠢猝至迅若疾霆寧及掩耳上下同
力夜戰達旦志梟狼豕義不返顧勇不怯生仁不擇死醜燄雖
張正氣凜冽勢且大阻

天子震悼卹贈有加賞延厥世

恩命申重官其愛弟寵光介祉乃卜新阡乃營窀穸魂返故里黯

黯孤忠惶惶鉅典立石以記百世哀榮千秋俎豆有位視此

陝西按察司西甯道兵備副使李懿墓志銘

臨邑邢侗撰

蓋余家濟北去吳橋數舍而近稔知有觀察李公者是歲之春東光姻家馬次公偕李季子過余以王慎齋先生狀見屬而言曰季子先府君余不肖丈人也屬當窀穸之役幸有意寵靈之余重兩君請則爲之志按狀公諱懿字美卿號省齋世居吳橋里上世譜逸莫考大父旻爲邑諸生娶於陳生三丈夫子仲曰順封中憲大夫公父也娶于氏封恭人公生而穎慧絕倫八歲就塾師授千文一目不忘已而中憲公授大學章句篝燈稍肆

吳橋縣志

卷十二

藝文錄下 誌銘

三十一

丙夜而瀾翻其口中矣十歲屬文文多奇語又六年而督學胡公按試郡中學政苛礪甚試之日而公卷獨得先完胡公者趣至其案目而微之已心賞公已而果見錄得附學官弟子庭諭之令多治古文辭丁酉公二十二舉於京闈是歲棘中強半者不省論目而公爲傳諭無少恡用公餘欬得雋者獨多是自兩上不錄公益刻勵爲文晨窗夕膏矻矻甚於諸生時甲辰成進士殿試二甲第九人卷在進呈列所不爲一甲毫釐耳初授揚之泰州及官甫三日卽奉于恭人諱歸服已除旋補陝之同州同州故荒瘠民居落落如晨星蓋宓生之琴與沙范之馬嘶聲相發臨風慨然曰民胡以食則爲廣關蒺藜之場若干畝與下

戶佃又復取猾吏而舞文者數十人實于理諸所摩民剔蠹不遺餘力凡三載而城邑改觀若响於陽春之臺矣以最遷南京戶部陝西司員外尋晉本部貴州司郎中甫年餘遂擢守漢中府故事曹郎偃蹇數年始得一御隼旃領郡竹而公獨不數年淹也且漢中善地莫不謂李先生何自俛得之頃之華州諭德王公及所與共事參知遲公厯厯道公所繇速得郡狀蓋少宰三渠王公雅多公同州治蹟力爲居間語有之爽李不言下自成蹊公之謂矣公在郡持大體不責苛細一意拊循屬城若干邑人人如在其襁褓諸所湔除興舉一一條上諸臺至得比于功今漢人迄今尸祝之若欒公之社云滿三載遷陝西按察司

吳橋縣志

卷十二

藝文錄下 誌銘

三十一

副使駐西甯衛西甯介在萬山中古用武地公至而捉鼻詠詩至邊將皆承主恩澤無人解道取涼州之句以如意打唾壺壺口盡缺于時將吏士卽識公忠誼風概爭自洗濯而會茶使者甄公行部至公以備寇不及見已而全軍護甄公行寇伺知城空又心輕公初授事不嫺介胄遂大衆薄城下一城盡驚公曰何恐也城存俱存城亡俱亡乃調鄉兵授秘策嚴加守禦寇知有備夜遁去而茶使者竟少公不一來相見意無不少望公固策寇無意往見甄甄乃大銜公尋摭拾劾奏得旨回籍聽調公怡然曰吾所爲卧番坐虜浙矛炊劍飲羊控馬噉酪縮秫反皮被毳而與皇皇者冀一得當寇以報縣官耳今者借使者弛擔

故土幸甚且吾大人冉冉老矣自吾爲西寧夜未嘗不蘆管調
啁霜風淅淅如在其耳中也而今得謝以奉杖履前古人所稱
一日而三公者何如也而我乃身自有焉誠幸甚其所爲事中
憲公繼夫人何晨夕備至孺慕沾沾不敢自鳴壯大中憲公鶴
髮金緋而御之樂而後可知也中憲公處伯季間盡分與兩人
美田宅獨自處瘠下後兩家子蕩產畧盡公憐而復振之至再
三不厭又修先祠宇樓臘享祠潔虔甚復以其餘新廟觀佛廬
數十餘所橋梁衢道其爲力億更復不貲以故黃冠衲子望長
幡慧燈趨之如歸出吳橋而道者馬不僵人不橛矣公晚年力
行鄉約月朔聚鄉人而教之自署爲鄉祭酒里人有所持競得

吳橋縣志

卷十二

藝文錄下 誌銘

三十三

公一言而解不復知有南向而長民者至呼爲我家太邱先後
負責者幾千金一取左券焚之曰我自不爲田嘗何必假手馮
先生雅性不喜脂韋家居一字不欲通官府傍郡邑皆嘖嘖李
觀察望閭而式爲文不務藻飾落筆數千言冲然可誦詩喜陶
靖節得其風神唯其有之是其似之矣又好作徑尺署書適逸
有致不知仲將大令何似要之近代妙蹟也酒後耳熱往往自
度曲爲新聲一座盡傾乃又善顧曲如周家公瑾朋舊親戚人
人得見親幸然才及生產家人事咄咄馬之矣屢有薦書不起
所著吳川志三五世家擊缶集省齋文集傳家錄諸書行世爰
爲志之而復銘之銘曰先生矯矯神奇早奉大對皇覽在茲方

州雄郡三仕遺愛出備羗戎攘外安內彼譖人子貽公邱園所得孰多孝弟力田七十古稀更拓其二三十餘秋飲和葆粹子孫振振吳川萬年家聲不隕隴西大阡

戶部主事督餉北平兼署 道萬邦翰墓誌銘

袁懋德

羽張年兄僮人豪器堪大受乙酉歲謁部候選予與握手譚心於京邸一觴一咏刻不相離不惟爲同年友且爲莫逆交及選又同事山左踰三年兩臺以予與公勤勞治行特疏上聞蒙賜豸繡金幣各授部曹余與公並轡北上受事未週年公膺

命督糶北平兼攝道篆杜侵漁恤將士銓臣以公德政日隆將頒

吳橋縣志

卷十一

藝文錄下 誌銘

三十四

榮命而公長往不逮也歲壬子端陽後三日予自署中歸忽有閩人持刺以報急起視之則公次君君邃携公與戈任兩安人狀屬余誌之予不敏安敢以不文辭按狀公先世江右南昌人明初以官籍徙於山東之樂安再遷於北直之吳橋始祖海海生達達生圯圯生倉庫里中稱長者生丈夫子三長桂靈山衛經歷署平度州事以衛民忤巨璫去官萊人思之次民泰太學生季民望增廣生卽公父也孝友慈惠急兄難千里赴之且諳岐黃起疴回生者無筭人已卜萬氏之昌厥後矣生二子長邦孚歲貢生博學宏文懷玉未售公諱邦翰字羽張其仲也豐頎俊偉瞻顧不凡望之者以爲翠柏長松異日必將干霄凌漢甫授

書卽能強記慧解及搯觚而靈心灑氣洋溢筆端十八補博士弟子員二十四食廩餼雅善臨池效瀉鍾王而獨出新意學士楷之又饒勇力喜騎射有武人宿將所不能者誠文武兼資者歟及屢蹶棘圍乃喟然嘆曰誠先資在我功名事業何地不可自見奚俟鹿鳴雁塔始男子出頭日乎於是就戚薦赴延掄以公偉貌長才可任百里乃初授樂陵令樂陵固巖邑東隣瀆棣西枕滄鹽實盜藪也且豪民武斷胥吏舞文夙稱難治公到任卽遴一二豪點置之法而衙蠹股慄其捩庫鑰簡桁楊輕徭緩賦以寬民力不啻五袴興歌且清操自矢有楊關西四知之風而清不爲苛民以稹會及山東羣盜蜂起蹂躪濟屬數州縣在

吳橋縣志

卷十一

藝文錄下 誌銘

三十五

樂陵猶邇巢穴公爲巖城守備器械募精勇與賊大小三十餘戰斬獲數千餘計隣境俱賴以安蓋公之武畧長技於此始見一斑捷書日奏兩臺交章以治行第一聞大計舉公卓異欽賜豸幣以旌其能蓋隱然負烏府建牙之望矣及公擢戶部督精北平持籌會計運以精心杜侵漁恤將士終公之任士卒無敢譁者及攝道篆嚴威武討軍實指顧間旌旗變色屹然東壁長城焉使天假以年威望日隆由旬宣而節鉞可計日俟胡二豎爲崇雖及瓜得代尙彌留京邸惡買舟圖歸遽妖夢是踐箕尾旋昇孤婺在丹乳嬰在裸歸橐蕭然旅魂泣月嗚呼痛哉嫡配戈安人嬪公未久端雅貞靜無貴家侈靡習衣縞素治滌髓

曲盡婦道內外稱之蚤卒繼配任安人扶旅儻携遺孤乳哺襁
裸皆身親爲之嚴肅內治消弭外患督責家僕一嫡長主母坐
鎮之有餘矣惟八年後公歿猶賴有于朱兩安人茹蘖嘗膽礪
志苦節竟能撫成遺孤不失世業可謂有功於萬氏矣公生於
萬曆二十九年十月二十二日寅時卒於順治七年三月初一
日戌時享年五十戈安人景州前南京刑部尚書戈公瑄孫生
員光先女生於萬曆二十九年六月初三日卯時卒於崇正五
年六月十二日巳時享年二十九歲繼任安人德州任公遜女
生於萬曆三十九年臘月二十八日丑時卒於順治十四年八
月三十日申時享年四十七歲男士毅公歿時生方六月今已

吳橋縣志

卷十一

藝文錄下 誌銘

三十六

成立入邑庠始襄三大喪盡哀盡禮弔者大悅公可謂有子矣
茲卜於本年十一月初一日擇地於新阡合葬焉予爲雪涕銘
之銘曰嗚呼萬公吳川之英淵源其學昂藏其形彩筆振藻擊
劍稱雄頰膺歲薦小試花封

帝嘉乃績俾佐司農北平督儲士飽馬騰眷倚方敷山頽梁傾兩
賢相繼內助維重相夫宜子爲德可風窳窳借歸庶罔其恫有
岐嶷將振厥宗鞠之有之以慰冥冥

乙卯科舉人署南宮教諭復園王公墓誌銘

劉果實

甲午冬吳橋復園王公卒於家乙未夏公子履吉至余村居持

狀拜泣曰日月有時將葬矣願求所以不朽者公與余同舉於鄉又與先仲兄同門素爲知心友誼不容辭謹按狀公諱作肅字敬一號復園原籍卽墨自始祖遷於吳橋七世至公曾祖諱稟誠故明萬曆辛卯舉人仕爲城武令祖諱世德邑庠生父諱孫錫甲辰歲貢故明輔臣范文忠公之甥也明季避地南都寓文忠公司馬署中公實生焉數月歸里明歲母郭太孺人卒繼母鄭太孺人撫之成立幼英敏過人旣傳家學又親師擇友學業日進食餼庠中名稱籍甚壬子科拔貢刊范文忠公文集盖明經公幼孤賴舅氏調護立身成家及文忠公殉節無後爲之經理其家事擇族之賢者嗣之其著述亦多散失公搜羅校讐

吳橋縣志

卷十二

藝文錄下 誌銘

三十七

不遺餘力付梓刻行以表章忠烈成父志焉乙卯鄉舉荐累上公車數奇不售乃勉就職教諭戊辰丁外艱哀毀骨立服闋庚午選大名滑縣教諭其立教以窮理敦倫經濟博雅爲務其言真誠愷切觀者感動以滑邑所屬遼遠士多散處爲刊印編給之士多成就者以鄭太孺人疾力請終養而竟不逮聞訃之日自滑歸匍匐哀號路人皆爲之飲泣服闋辛巳補真定南宮教諭一依滑邑所施行者數歲士風丕振以疾乞休歸里杜門習靜門外事不與也公天性至孝事親備極色養居喪盡哀盡禮毫無遺憾方葬明經公啟郭太孺人柩念已之不逮養也拊棺一慟絕而復蘇其至性過人如此與弟幼宣友愛過於同生幼

宣卒無子公惟一子長孫甫生卽一繼之又篤于友誼家居時有窮困來投者解衣推食以濟及廣文時故人相訪適館受粲以而益敬有貧士夜讀者憐其飢寒飯飲衣被之故來自公所者皆贊公不容口其盛德感人如此公生平存誠主敬自強不息一息尙存不肯稍懈至於天文地理百家藝術方技之書莫不該博詩辭書畫皆人工能可法式猶其緒餘也始余至都門一見公恨相知晚及後瀛海客舍相經過語未嘗不移日也公貌壯而和坦夷無城府與人交開心見誠雖家室委曲亦洞達無隱深於理性之學兼精釋典躬詣實悟大有所得而精進而不已乙丑計偕過余長安寓中閱太極圖及大易華嚴之旨其

吳橋縣志

卷十二

藝文錄下 誌銘

三十八

學益邃密淵深莫窺其際因共論一中一切中一至於非圖所能傳非言所能及相與歎息絕思者久之其後余歸里公官於外不相聞問者幾三十年然話言丰采時往來心目間如一日也近聞公引年歸幸余村道里匪遙方欲乘下澤訪幽居共道契濶相與參天人之秘密探名理之奧蹟旁及界外浩劫事一快生平所欲言而聞所未聞也豈意公糠粃濁世遽乘箕尾而去哉余同郡同舉者十有一人今存者十無二三矣每一回想不勝今昔聚散之感焉况德行文學卓而不羣深契余心如公者哉念及此悲從中來不知涕泗之橫集也公生於明崇禎己卯年六月初七日卒於清康熙甲午年十一月二十三日壽七

十有六元配段孺人同邑庠生段公擢次女繼配李孺人通政使同邑李公天經女孫廩生壽元公次女皆有賢行子一履吉辛卯舉人女四俱李孺人出嗟乎以公之德學而顧不竟其志以老耶然盛德之報不於其身必於其子孫公子孝友恭謹文采風流實克家焉公之澤遠矣今卜於康熙五十四年十一月二十八日安厝佳城敬爲之銘曰

孝友篤行萬石齊踪力學敷教克毅克宏理窮奧區道備當躬逢原游藝博綜旁通縣解神受默契禪宗澹尔醇古居然素風氣和容衆心靜如空擬議不及盛德形容

文

祭胞妹王母文

范景文

嗚呼妹之逝也幾一歲矣吾心目恍恍夢魂飛越猶不信果真逝也意中疑若歸家棲遲里門者然每信使往來見時出口輒詢動定如昔乃今甥兒報訃就壙有期而後知果長逝也予方以道路艱阻疾病牽纏相望各方肝腸寸裂何以呼天令妹起何以縮地令我歸得臨穴一慟耶嗟乎妹後予十五年而生予終鮮兄弟而情聯鴈行儼然予弟也妹生而孝友讀書明大義曉暢事情明智丈夫所不能及予家計國事每舉咨詢無不發予覆而暢予隱故四十年相依如手足相託如心膂尋常兄弟

吳橋縣志

卷十二

藝文錄下文

四十

豈足比者而今一旦已矣追維今昔能無痛豁吾心哉而所最痛心者予當宦遊奉父母以往吾父宦遊則妹隨侍問食加衣左右承顏代予以盡子職迨予晚遭時艱半厯行間不敢以奉老親而妹留在家朝夕問視遇病躬調藥碗以進及於大故一切含斂必誠必信代予以盡子職明發有懷予不能忘父母能忘吾妹哉然妹之所以可痛者二十歲卽稱未亡人厯盡艱辛以至幽憂癯瘠而病戊寅之歲勢已瀕危余聞而籲天禱祈未幾果愈復值兵荒搶攘之中凜不敢犯豈非天佑節孝而何險危備嘗後猶復染沉疴以至不起耶當其間關冒難携子媳以視我于南國相持而痛感動旁人意謂災氛寇焰萬死一生之

餘兄妹猶得相保此後亟圖歸隱此後聚首之日尚長也昨歲理櫂欲歸強留不得送之江頭灑淚言別豈意遂成永訣天乎天乎能無悲哉憶妹當所天見背時數月絕粒恨不相從地下父母及予指懷中呱呱勉以立孤抑情自活察其意中無日不切同穴之思今得遂矣含笑而去固當無憾又憶十五年中含辛茹荼盼盼于子之成立今甥已食廩學宮更見孫枝王氏一綫瓜瓞以綿妹矢烈生前留芳後世人誰無死而又何憾獨惜予怙恃已失子孫繼亡子然一身止靠妹毛裏相屬患難與扶而忽舉目無親形影獨吊方寸幾何堪此摧裂耶想妹節孝雙全內行淳備長齋佛前必當乘願往生若果冥漠之中與父母

吳橋縣志

卷十二

藝文錄下文

四十一

共遊九原一溯余數載遭際辛酸必見憫惻靈爽如在蔭庇斯垂令得蚤茁蘭芽以繼宗祊或妹意中事而不用再三囑者乎河山間阻執紼未能臨風長號血淚俱傾惟靈不昧其鑒予誠尚饗

邑侯常公文魁元配丁孺人墓表

周慎

我侯之初蒞吳也聞綠林穴逼近隣封欲募兵殲之而苦於費孺人卽出簪珥佐之持內政務勤儉以助公廉所食者蔬食所衣者縞衣綦巾耳侯乃益茹蘖飲冰杜絕苞苴練鄉勇百餘營斬渠魁數十撫逆寇四百騎傾囊饗軍士死傷者設醮追薦之贈匾立碑旌卹之由是人咸用命寇氛以息復禁火耗以寬征

輸懲胥蠹以解文網護送船夫力抗郵吏禁止行戶培養土風
疲癯斗邑蒸蒸色起雖侯之德之才爲之實孺人與有力焉以
故一聞訃音士庶咸咨嗟徬徨器於野而莫於室也侯將命价
扶櫬歸士民泣請曰吳民受孺人恩渥矣乞卜葬茲土得歲時
報賽焉則幸甚侯不獲已乃買東南堤地一段厝焉

贊

贈大中丞仁元范公像贊

陳繼儒

正直剛大之氣蟠結心胸忠孝節義之風發舒眉宇有附麗貂璫者唾其面有居閒吏部者洗其耳吾嘗讀天語之煌煌名章之纍纍瞻象琢詞贊嘆無已公三歲鞠於王父之懷且教且乳投之五經如盤走珠如餅瀉水衆稱之曰才子才子司學通州經術振起多士問奇雲蒸霞蔚經師人師衆稱之曰范夫子范夫子有兒神明官東郡理奏最當封公辭不許抵七任始封父母如其官而後受大中丞之制詞謝折腰五斗之米衆稱之曰孝子孝子公南部子詮曹其清如鏡其直如矢皆以強項忤中

吳橋縣志

卷十二

藝文錄下 贊

四十三

人而中人無所致其深文巧詆衆稱之曰奇男子奇男子若其佐郡郡清攝篆篆理防海海絕鯨鯢轉漕漕無雀鼠愛同冬日甘同時雨春行萬家河潤九里在宦則俎豆於士民在鄉則廟食於閭里衆稱之曰范佛子范佛子彌留無言口接勅旨盖風車雲馬先遊於絳霄碧落之間而鶴表龜趺亦上射於箕斗星辰之尾此文正忠宣合爲一人非特大書於郡史國史者也

記

金陵贈范公司馬記

我聞司馬古平格湖海風神山嶽力楷模當代足儀刑弼亮四
 朝勤社稷昔者天啟七載間陰陽消長多荆棘讒諂蔽明曲害
 公不能俯仰甘裁抑皇帝紀元肇戊辰日月重開思遺直命與
 我公鎮通昌京師兩道各封殖詩書元帥舊論兵保障爰使烽
 燧熄恭遇紀元十一年謁來豺虎逼君側豸冠御史有成勇痛
 惜綱常嚴彈劾主上端居自聖明威福在心原不測公曰吁哉
 今何時事關大義豈容默乃率羣公帝前爭萬里丹墀陳悃幅
 預料天意遽能回老臣矢志欲殉國我公昔日忝心知不分孤

吳橋縣志

卷十二

藝文錄下 記

四十四

臣騰苒蕙憶昨鈎黨起須臾奴僕親朋胥避匿管鮑貧交見司
 馬觸冒風波為羽翼請室兩辱雙魚書鳴向孫陽忘不得小子
 長跪御龍門浩歌輒復填胸臆君不見莫赤匪狐莫黑匪烏天
 地茫茫皆鬼蜮楊李威權勢絕倫青蠅身後為誰殪

徐恭士註
崇正三年

景文佐司馬鎮昌平五年景文去司徒並通州代之與景文素
善九年司徒為溫體仁薛觀國所忌下獄久不解景文嘗營救
之

西郭雪遊記

范景文

元夕張燈遺俗固然自初十後燈事始矣癸亥冬無雪至是雪
 日夜不歇庭砌皆滿十一日晨起推窗彌望徬徨起登小樓上
 俯矚萬瓦鱗鱗參差相間猶以垣壁小礙不大快暢發意出郊

外一看童子請止強作解事語曰雪中宜樓宜暖閣郊外寒甚
凍人欲僵奈何余不聽攜茗椀酒具散步出西郭半里許轉至
奎閣一望平原皎然無際空中片片繽紛亂墜又爲微風所攪
乍翻乍起如迴如瀦大似作態以媚遊人嗟嗟如此曠觀不至
不見宜樓宜暖閣幾何不以此言誤耶因大叫快哉不輟雪意
益復飛舞飄漾與人意競閣前環以平池池冰將解爲雪花所
盪冷光洞徹作玻璃琉璃光池外則古堤層層疊嶂複嶺不啻
玉嵌玲瓏矣今年歲前立春柳色氤氳新黃欲綻忽爲瓊蕊妝
綴正如小蠻初學舞時纖腰乍灣婀娜輕盈粉頰皓裳素艷撩
人真是天地尤物若以濃桃繁李配之未免脂膩氣不其辱哉

吳橋縣志

卷十二

藝文錄下 記

四十五

于時靜對良以人境俱寂因命童子取階上淨雪溶鑊中泡洞
山茶啜之盡一二甌一派清思往來心目間儼然坐冰壺而飲
沆瀣不覺喉吻皆潤骨體欲仙此中恍若有會急需一人與之
語而不可得遙望前林蒼松翠栢中隱露絳紅色巧爲點染天
然一幅好畫熟視乃被擅策蹇而來者至則仲昌李生也取酒
嚼梅花二卮同踏雪祭風臺下寒不可禁乃歸歸至味元堂中
紅屏圍座燒燭轟飲試看雪裏燈其光景何如也

范文忠公畫像記

喬 萊

吳橋范文忠公旣罷歸田里追遯生平自捷南宮授東昌推官
擢吏部起太常巡撫河南遷兵部侍郎晉南兵部尚書凡出處

所歷屬畫師某悉繪於冊記二十四幀其巡撫河南時興勤王之師衛京師者闕失無存存者二十有三余寓鄭圃近先生鄉并得借觀此二十三圖中九觀者了了可辨不具述若不辨某畫爲某事因詳誌之其鵠面鳩形扶老携幼於荒村古廟間者東昌饑先生賑之活者數萬人也溟渤浩瀚遠見城闕者先生觀廬市也先生分校東魯得士十圖中衣絳衣羣弟子偃折而前者此也伏金水橋奏事者魏璫竊政斥善類先生典選事上疏極諫也匹馬孤舟先生歸也停象輅列鸞旗捧爵壇上者先生起太常天子祀方澤也長江洶洶先生乘綵鷁破巨浪僚屬偏裨伏謁道左者官南京兵部尚書也騶從宵馳廨署夜啟先

吳橋縣志

卷十二

藝文錄下 記

四十六

生來而魑魅遁也其簡士卒嚴隊伍治樓船列車楯則訓練精而援池援滁援廬奏殊庸也其陳師江滸飛舸競渡發勁旅援畿輔也其黃衫草履掃徑歸田者上疏救石齋黃公被詰責也至於風雲蔽空先生拜伏崖谷間則余不能辨而後此起司空入綸扉以身殉國又先生所不及繪而後之人未能增也日者余過高陽表孫文正公墓過保定拜楊忠愍公像而弔之以詩茲又爲先生作畫像記不可謂非余之幸也余嘗修明史稍知先生梗概因書此以告後之觀者

遊南園記

范景文

癸亥閏當十月初猶杪秋云數日露零雜以微雨至初三

而霽輕雲時時點綴草木含滋纖塵不起遊者不知其爲秋也
晨後同李生仲昌含樸王生君翰出迎薰門路旁蘆荻颯颯溪
流灣環行古橋高堤上一帶衰柳老碧深黃與紅相映發轉足
撩人絕勝春艷十倍一往可愛昔人何見而悲不已耶大河南
岸爲李園園中檜柏參天萬株陰森青蒼之色矯矯若傲異哉
人世寒暑不到此中歲寒之盟余將終身託之矣觀物軒飯罷
陟南山亭上拂石圍坐栢子珊珊紛落席間幾滿取爇爐中香
殊清辣與野意甚相稱此時若龍涎雞舌反不肖矣壺觴間行
笑語遞發林影散亂夕照漸低遙看行間有抱琴至者罷酌而
起正襟危坐悄然無語含樸一再鼓高山流水曲琅琅有別韻

吳橋縣志

卷十二

藝文錄下 記

四十七

命童子於洞中聽之作水龍吟似山與谷皆應也君翰曰此中
聞有祭風臺盍往觀之御騎以往至則數健兒在焉見所乘馬
翹騰不勝氣作命取馳驟道上於時人馬相得據鞍生風蹄蹴
電飛着眼俱失急於霧中細辨之見馬上起舞或翻或卧或折
或踞或坐或欹或抱或脱或躍而立或頓而側時手撒轡時脚
躡鞦時身離鐙以爲勢拖將墜矣而盤旋益熟觀者無不咋舌
而神色恬然自若也余曰臺名祭風彷彿赤壁而無所本何如
卽名戲馬不事典而情覈乎衆喜而登路甚紆曲屢折至與點
亭再憩再登樹枝低亞與帽相礙至絕頂四望落照銜山歸鳥
隱沒回矚城郭炊烟萬縷與暝色相亂茅屋高下在乍有乍無

間仲昌曰此米家得意筆何從攝來因大呼叫絕余以此間大致半在雨中月下爲勝居人少勝情卒無乘夜衝泥至者外此而收其妙無如晚景豈氤氳莫狀微茫莫辨無雨之淋冷而有其寒暈無月之淒清而有其淡幽蓋天留之以與閒人而人不能取者也故凡登臨者晴不如陰晝不如夜冬夏不如秋而今可謂兼之所取不亦奢乎急呼酒來把杯問天從人告酒竭餘興未盡俟於月下雨中再續此遊也

行邊圖記

李 懿

西甯衛古湟中故城也城西四百里爲西海亦名卑禾義海俗呼青海西北曰赤海又北有烏海鹽池水草豐美稱樂土西戎

吳橋縣志

卷十二

藝文錄下 記

四十八

別種環而居者曰罕東曰曲先曰安定曰阿端歲以馬易茶皆隸西甯受羈絡朝廷給以封章入貢不絕正德四年酋阿爾禿斯亦卜刺率衆襲據青海各部落達徙亦卜刺之餘衆因占其地號曰海寇數侵擾西甯爲患嘉靖十二年套寇由甘州復來收其餘衆生畜以去自是習知徑路時復引衆由海上侵掠西甯昔建議者於賊徑行路各山嶺置墩設瞭又於險隘處砌木石爲碇榨以遏奔突碇榨之內屬番散居之西甯亦借爲外藩其碇榨由南亘北匝西甯城西爲西石碇白崖子經納碇南有掎尔朶本哈尔王溝等碇西北有西石碇黑松碇寫尔冲寫尔纏等碇俱歲久圯壞丁巳年套寇數萬由涼永莊古行掠數月

至海上六月初八日余甫至湟中十一日賊衆由南山掎尔朵
硤突至城周三十里掠而還究其故率由承平日久人心玩弛
墩臺硤榨之久廢以壞故寇騎得以長驅而莫之阻也今歲戊
午農功就緒謀之於衆僉曰工事可舉矣余乃於後七月廿四
日親詣詔邊閱工計畫行五十里爲城南那孩川堡曰伏羗防
守百戶劉經率居民與申中族西番接至羅拜道傍時已過白
露十餘日麥豆猶半青黃在野視中州收成最晚然其地肥無
沙磧又有山泉溉之禾皆發茂類中州同余行者爲叅戎張龍
峯致仕叅戎陳北峯俱入堡茶畢呼申中番人至賜以布酒茶
斤有差各稽首出乃復乘馬同二叅戎至孤山境外前年寇所

吳橋縣志

卷十二

藝文錄下 記

四十九

由入也亦多麥豆盖申中番人世業並居廬在焉視其硤榨計
工費畢隨圍以獵得雉兔三十餘歸作羹與二君共飲次日晨
起由靖邊堡越山二重爲伯顏川防守千戶韋昇與指揮羅松
來迎番人迎者爲隆奔班撒等族遂至班撒兒閭門番人左右
雜居氈褐爲帳房周圍以毛繩繫地寢食其下余乃呼其老稚
悉出觀之其婦人皆垂髮辮末繫海螺衣衫用紅綠雜飾如漢
人男子之褶子布衫女子三人髮聯雙垂不編以爲別俱跣足
塗泥視之殊可笑各量賞紅藍布數疋其酋長獻酥酪茶青色
濁臭不可聞余微嗅而却之過此皆荒涼草地行二十里過一
山遠視南山下黑色數圍問之則紅帽西番帳房也牛羊散布

山城下有數十騎介而馳欲來復却乃覘視知爲余出有驚懼意恐余之襲擊彼也此屬原住甘州洪水以刁搶懼殺逃移於此時復掠奪西甯漢人與差哨者馬匹衣物非申中屬番甲馬者比少頃渠以盔甲百餘人來謁叩首草中視其狀貌皆奇崛面目如火薰而黑大其氈裘與達同余諭以守分勿爲搶掠以我兵馬殺奚逃乎麾令起去皆俛首伏而奔又行五里南北山下各有番男女問之左右曰祁家西番乃士官指揮祁恩族人各叩馬告被套寇搶貧乏食用皆朝廷民叩頭乞賞能爲漢語余謂盍移近城乃處邊外渠云祖業田土在此故也命偕至鎮海堡與番人一體給賞次日出堡渡河而北又十里爲西納寺

吳橋縣志

卷十二

藝文錄下 記

五十

中馬番僧三十餘人吹海螺并銅角擊番鼓候柳陰中遂入其寺登其樓視其佛與經其國師年七十餘進茶余亦微嗅之又過二山爲景陽川食畢復行至北山平虜堡則曰已晡矣路傍麥豆收割強半其平原沃壤比南川尤勝亦半藝糜穀次日出堡北行十五里爲北川閭門前守備所築以捍番寇奔馳者自築此數年無患北川賴之余同二叅戎登其樓門北望則生番巢穴不毛之地矣凡此數日皆天氣清明山川歷歷如畫又二十里登班家灣乃番寇出沒交衢命議置墩守未刻抵威遠堡爲指揮汪鏞防守地舊罕東衛安定王之子率諸番人見賞如前次曰由川直南過三旗五旗等堡閱視之鄉老云三十三年

北寇三萬餘由鎮羗犯本川時金遊擊率官軍伏川內約候賊半至舉旗爲號要擊之如期砲喊俱發賊前哨已過數千驚懼引回得首級數十顆沙塘賴以全然則將之謀勇可少乎哉出川口則入西寧城東西大路也城北里許有番寺殿宇雄偉巖廊畫壁半頽落與叅戎憩飲數爵薄暮入城居數日復報套寇數萬計且窺視之矣詩云迨天之未陰雨徹彼桑土綢繆牖戶思患預防之汲汲然惟曰不足以曰上求不負國家下求不忝職業云爾強弱利鈍不敢計也叅戎龍峯名世俊舊總兵官張雪峯達之子驍勇善騎射分守西寧故從余行嘉靖三十七年八月記

吳橋縣志

卷十二

藝文錄下 記

五十一

且園記

章 閻

嘗誦吾師味元堂詩傲骨相看延石丈閒功好與註茶經又瀾園詩坐石何來濠濮想叢篁布置自蕭蕭托興元邈令讀者悠然掃石眠雲作數日思閒坐白石山頭以此語眉翁北地塵礫滿眼安得手驅五丁輦九峯碎玉飛集連窩驛上粧演北吳風致司馬暇時便拄笏取醉不須命駕東山耳眉翁語余爾師舊築瀾園因濠爲池部署一小船往來岸葦林柳間似此興會當自有一番開闢會余北上就試師馳一札見貽已割得山前一片青家有隙地廣不及畝欲置小山削玉挂瀑以俟能手子挾其人與俱乃余俶裝卒無當人意者陸子清音一曰叩余便襍

被請從喜其不夙約也載之行匝月抵將校則石丈纍纍拱立
庭際如有所待岬巘斑剥余小子便欲下拜矣遂商確上下約
畧穠纖浹旬乃定咫尺數十武石脚雲腰千詭萬譎殆非人工
啟小扉而入顏曰且園繇咏廊稍西山根楚楚亞身怒爪引人
人勝地攝衣便上峭眉崿牙宛然左辟復尋曲徑石下有亭幽
翠朱欄縈繞爲茶寮深夜樹黝輒懸一燈遙望隔庭修竹千竿
時作瀟湘雨聲疑是虎蹊斷橋兩處小影曳履高崖森爽滿志
剪裁古栢化作老松蒼髯秦官不知有漢譽譽然大峯陡起舒
翼於高齋翠閣之間凌虛倒景坡公所云高出於屋之簷而止
觀者以爲山之踴躍奮迅而出也迤邐而南碧澗吐晶氣冷欲

吳橋縣志

卷十二

藝文錄下 記

五十一

沸小橋如束踞而觀遊鱗大似玉泉錦浪渡橋斜穿蘿薜石屋
玲瓏雪色映眉雲氣滴乳可容數客小憩解煩掬喝不須探百
丈龍峪是處容膝一線洞洞矚矚忽見鶴窟仙巢矣余時端坐
良久私念雪後橋滑林木如醉爾時策鳩杖來此手戰趾栗疑
從天台石梁上過耶迺一灣幽草又爲余前導而入賞靜閣閣
去小山不盈尺峻潔迴窅如藐孤異人峩冠切雲捫星挹漢簾
箔暮捲俯瞰庭間一木一石或卧或起歷然可數下列精舍三
楹素几竹簟如隱者廬循閣之右扉而延踏側出髣髴東鄰焉
書屋空明紙總紗幙無事此靜坐常聞妙香幽瀨則吾師棲禪
醉墨處也指趙凡夫所題餐冰齋示余曰少時入官署中携此

兩字自砥然則乏糧充鶴癯形似僧師殆飽嚼古冰滋味無間
寒暑矣齋前編竹爲垣倚垣爲圃種牡丹黃紫數本傍伏怪石
卷曲睨人圃後一椽代笠四面積矮檻延客入坐鬢眉皆綠者
曰嘯竹亭亭有湧泉啾啾細響此泉無根能活時上注石縫勢
若倒峽蓋傳瑤瑪氏桔槔意云然手探泉穴得所從來要不甚
難此間難得者種竹耳募竹百里外得數株珍重勝石家珊瑚
又都不解帶土髣頂法着地半日夕與土同色王子猷隨地教
種亦大難事惟自嘯竹環味元堂一望凝碧蜿蜒遙翳瞰景盛
夏可拂塵消暑堂無他供具惟設古盤瓷鼎茶光酒豔皆帶琅
玕氣余笑顧石丈窮巧極妍能不北面此君否因復吾師昔者

吳橋縣志

卷十二

藝文錄下 記

五十三

平章山水今日兩詩始成起居注矣師笄然曰余性懶囊空曩
爲瀾園未成比歲從事行間畫灰縣絲料理未就卽家山清夢
鳥語松濤思之徒亂人意今拙守一畝小築粗定如子言乃更
有西吳之勝且以園名可乎余且居之子且爲我識之

瀾園記

楊萃

范質公先生作瀾園當代稱之與輞川並勝惜乎其盡於兵燹
也小子睠懷高風心目閒常有一瀾園圖厯厯如畫猶慮後之
憑弔者不得所考思有以記之惟是先生胸中邱壑手土化工
隨景布置便成名勝蓋有搜奇探幽所不能及者自愧拙筆不
能駭聒發洩靈秘山靈其笑人哉雖然寧詳勿畧寧樸勿麗爲

其足以載實而已康熙甲寅夏六月望三日弟子萃記 城北之闔尋涖而東綠柳參天濃陰覆地有泉甘而冽可飲可濯可憩林之畔剗木爲橋橋小不可度車馬扶檻而過游魚跳躍水草中動人濠上想橋頭有門堊土爲墻編竹爲戶題曰瀾園董元宰先生筆也門無闔者亦不設鑰門內僅一步有土山如屏路阻而分北則蒙翳若未嘗有徑者南稍方廣頗則砌以石子以達聽秋閣閣在水中依岸爲之由外而觀若樓船之泊然波濤潏洄有潺湲聲蘆荻蔚薈時藏風雨返照倒映壁上閃爍欲動凜凜乎有秋興焉由閣後東上鳥道盤旋偃仄幾不可着脚踏級以登至絕頂則有快風亭亭取材於淇園檐棟椽柱皆有

吳橋縣志

卷十二

藝文錄下 記

五十四

綠猗意覆瓦卽竹樓記所稱可當十稔者亭內石几一石墩四亭左橋木二拂雲蔽霄竦立如伯仲天籟徐發清飈驟至颯颯然泠泠然披襟當之快可知也前臨斷岸雲林若繡二水中分俯矚重城雉堞齒齒烟火千家人聲喧沸不絕黃河東注鉤盤長堤祭風高臺盡在指顧間矣迤東迤北又東又北崖窮則折樹塞則轉層次以降地未盡坦萬木叢蔽樛樾鬱芾華軒見焉題曰榮本亦董元宰筆也畫几香爐碁枰琴囊子聲絃韻與鳥啼蟬噪相亂卽赤日行天皓月當空軒之內不知也西出北瞻巍然宏廠位當中央者澄碧堂也堂制質不雕不采松文木理斑若天成不瓦葺茅覆之大是山林氣象前有塘池方員隨形

大可三畝許遠近之水滙焉波光清澈如鏡崖際牡丹一株高
與屋齊北土之僅見者堂內西北隅小門如圭匏室僅可容膝
茶鐺藥灶列牖間北入則爲冰雪齋三牕皆東向與堂之後軒
相望疎竹成林籜風花影時灑灑簾幙間掃雪烹茶圍爐夜話
將以禦冬堂之西垂入柏林由廊廊曲而長南山當戶上與快
風亭對面地無山故石少積壤爲峯巒風雨泐之叢生苔蘚久
則作蒼碧空青色石不如也空谷不聞足音得無事此靜坐入
山唯恐不深矣廊盡則樹密草深履跡希淺披拂迂折以至於
門所謂若未嘗有徑者而徑從此出遇歲秋潦百派歸壑一片
湖天先生葛巾野服乘一葉舟從客三四人隨波上下蕩漾於

吳橋縣志

卷十二

藝文錄下 記

五十五

溪流之間別以小舫載歌童數輩笙簫笛板互歌和之清音遄
發響震林薄望仙舟者咸謂瀟湘畫圖可續赤壁之樂矣蘇公
赤壁之遊風流豪興千古莫比然而去國離鄉憂讒畏譏感慨
係之先生則心同太虛性若止水以朗月輕風爲襟懷以高山
大川爲度量雖有鶴夢將無得而入焉矣

序

贈王慶我一門三節奉詔旌閭序

范景文

余近里居却掃少可與語者惟時與王伯繩昵就無間每相過從酒酣耳熱談及節烈事則必眉豎色飛意勃勃欲起余于是知伯繩有心人也一夕據夙昔所聞伯繩前人事歷詢之愀然縷悉曰先大夫以義俠聞里中其挺身救王鹺使於難慷慨誼甚高至今誦說不衰吾子所具悉也憶大父捐館舍時大母方二十七齡耳遺孤伶仃先君尚在襁褓姑方離於懷蕭然壁立四顧靡依夜績朝爨撫子若女以至成立飲痛吞聲幾出萬死一生矣比姑長適陳氏子未二年而所天亦折子然一身歸依

吳橋縣志

卷十二

藝文錄下 序

五十六

母家亂子未立外侮環至而意卒不悔也當其時兩嫠相弔悲風夜號幸先君生計漸拓攜貲營殖入供滌灑而母氏躬搯作佐之得祖母權以無失姑氏意而孰意彼蒼不仁酷罰相繼先君復中道見背煢煢孀影且並母氏而三哉一門之內數年之間喪車頻駕白晝爲昏挫志摧肝泣淚成血三母日夜教督不肖兄弟又如大母之撫先君與姑且上無片瓦下無卓錫歷十歲七遷其居三老人望不肖無異望歲矣今頭顱如許尙困公車僅以四方束脯資爲姑氏置田廬立嗣子終其餘年而三釜有待一命未沾吾何以報余母若大母哉言訖泣數行下不止余於是益知伯繩至性人會今歲直指廉其節行具以狀聞於

朝詔旌其門建楔褒賚蓋盛典也嗟乎當三母挫志摧肝泣淚成血時豈意有今日哉其至今日雖聖朝厲世之微權乎然而稠錫不一與王氏若有獨私者亦可謂人世至榮矣夫其茹荼蘼以含飴和丸者母之慈也悲蓼莪而刺骨畫粥者伯繩之孝也爲慈爲孝皆足以傳於世王氏一門奇德懿行不一而足而豈僅以節著耶君繩果不望報二母尙其奮厲功名精白事天子移孝作忠以成二母之慈榮施王氏者殆將末艾矣

范文忠公文集序

吳橋范文忠公任宰相未幾捐生殉國純忠大節如麗天之曰月光芒激射亘萬古而常新而公生平立朝與夫發於心而宣

吳橋縣志

卷十二

藝文錄下 序

五十七

於言者世或未盡知也余忝列禁苑與修明史頗悉公生平今歲校士通州公之長孫昌平訓導繩祖以所刻公文集十二卷請余序余先君子嘗及公之門而余今得掛名公集中爲幸實大其何敢辭當明懷宗時十八年之間先後作相者凡五十人賢不肖雜揉卒至顛覆不救比及相公太原已陷甫逾月遂更桑海竟以身殉公才畧過人曉暢兵法撫中州時提一旅衛京師遂令治軍昌平護陵寢其後又令掌南樞中間以居憂罷官未竟厥用向使以任公以軍事或早命公爲相抱負經濟坦行而恢展庶幾可搢大廈之傾乎用公之才不竟而公遂以節顯然天下知其慷慨於禍難之秋而不知其堅確於平居之日蓋

正色立朝危言危行觸逆權勢百折不回素所樹立者然也方公任銓曹魏璫焰大熾欲以年例逐黃忠端李忠毅周忠毅輩公挺身與抗拂衣徑歸後爲南大司馬疏持武陵奪情且力救黃公石齋等得罪削籍此二事皆公大節卓然不朽者夫鉤黨之禍至熹宗而極膺滂斃於北寺洛蜀鐫於端禮公已作虎鬚之捋而幸爲鴻網之脫其榮辱生死一毫髮間耳至於身掌戎機指顧爰立迺抗時宰方張之氣干毅主不測之威挽清議於莫伸砥橫流於已潰批鱗激怒斥逐無悔其骨鯁何如哉劉瑾之擅權也秦人之中惟一彭澤子然遠之江陵之固位也大僚之中惟一張岳毅然爭之二人皆聲高當時名震後世况公兼

吳橋縣志

卷十二

藝文錄下 序

五十八

而有之且以純忠大節與日月爭光耶公始登第偕定興鹿忠節公長洲周忠介公淬厲爲歲寒交究其末路大畧相等可謂白首同所歸者矣詩古文固非公所重要自簡質古勁不趨世好奏疏則公之經濟與氣節存焉嗚呼文以人重人不能以文重也讀公之文而想見公生平立朝殉國之本原矣忠義激烈之心其必油然而生也夫

范公趨庭稿序

馮一經

賓王子過予於濟北予觴之光岳樓賓王登斯樓也盱衡而四顧而矚覽盛鐵之遺踪追魯連之俠節北望積潦東顧平疇喟然嘆曰美哉岌乎曠乎東郡之大觀矣乎曰美哉邑而君侯撫

有此乎觴數行予知賓王之素隆吾司理范公也出其文眎焉
喟然而嘆曰美矣哉岌岌乎曠乎淵乎秩秩乎纍纍乎煜乎天
下之大觀乎曰美哉其文乎而予與子寓目乎曰美哉其人淵
以懿乎夷以茂乎而子曰與曠就乎予曰唯唯自予之承乏斯
土庇公宇下一政出也守爲憲一詞吐也遵爲令是予所知也
公顯白其肺腑以相示予敬受之若晨露下而衆鱗承沫也是
予所知也至於文也予之離此而頰首乎簿書久矣非所知也
雖然而似有知師曠奏曲而鳥不翔伯牙鼓瑟而魚出聽籍非
微有知也而翔乎而聽乎予有翔聽於茲文焉其豁然萬境之
開也其矯焉孤峯之峙也其糾紛之劃然剖也其幽微之燁然

吳橋縣志

卷十二

藝文錄下 序

五十九

露也其藻彩之斐然流也予所知也至其玄抽未有秘啟來茲
驪珠手探鬼膽欲裂者予舌橋而不下未之或知也賓王曰是
則然矣夫其豁然者視事徹也矯然者持法堅也劃然者衆理
解也燁然者抉繁理錯而經術飾之也子師其政未知文之爲
政乎予曰唯唯賓王曰甚矣子之似吾孟章也其臨政似也其
持身似也豁然者城府夷也矯然者世不混也劃然者枝蔓去
也燁然斐然者秀美而文也甚矣子之似孟章也予曰予何敢
予何敢抑以子之言厚自勗也詩曰伐柯伐柯其則不遠傳曰
譬諸草木吾臭味也而何敢差池予惟闇且弱拙且鄙是愚也
曲木不憚繩是以樂就於公也賓王曰然願君侯無忘此諗

范公趨庭稿序

張榜

知予者無如范質公知質公者無如予予知質公也以其膽知質公之人之文之事業烺烺亘千秋也而皆以其膽予之所謂膽非猶夫人之所謂膽也百美併焉者也膽之堅決似義膽之朗達似智故人稱膽力稱膽氣稱膽量稱膽智稱膽畧而猶未足概也夫膽也肝之腑也水之位也仁之隸也允之符也又水之子也貞之竅也而水智之淵也貞事之竅也故膽發機最微而人以粗豪當之膽之發脉最和而人以允梁當之膽之發照最遠而人以冥悍當之夫冥然悍然謬戾而不顧豈膽也哉是強陽之氣浮越而動其心心心火炎以燦而不自持者也故人有

吳橋縣志

卷十二

藝文錄下 序

六十

妄心而無妄膽膽虛則神氣耗膽蒙則事鏡昏膽乏則生意稿膽粗則仁懷傷質公之與人薰然而慈和則膽之仁也知人之哲膽之照也久而彌親與其遇事裁而定也膽之貞也其文驟閱之豪上而挺峙細披之秋毫晰而愈明也向爲質公小序曰幽闇題入質公手輒靈亮魏瑩有照乘之珠糾紛題入質公手便灑脫倪說無不解之結人有此才無此識有此曾無此膽茲於其全稿之行世也再理前語而一歸之膽夫膽也是予所謂百美併焉者也

送余侯內召詩序

范景文

余侯之蒞吾邑也值兵燹殘破之餘死者未葬創者未起逃亡

轉徙者未復蓋轡策若是之難也侯下車弔死扶傷力爲撫循而先以飭備安衆爲第一義出橐中裝鼓舞士民建修磚城人咸踴躍從事以四十二日之勞收億萬年保障之績厥功茂矣至於養鰥寡恤孤嫠勸農興學起弊維風審察冤屈平反獄訟使凋弊之俗鬱然改觀則大有造於下邑者其萊蕪之足歌而山陰之足誦歟余每覽古人所謂治行高等大率以鳴琴之化身不下堂而庶事就理他如垂簾晝日花滿河陽者何若是暇整綽有餘閑以今觀侯孜孜岌岌至廢食寢不復托於游優以玩時日而究也化行訟理士庶恬熙其鳴琴種花古風流亦何必遠過也今且以卓異上聞天子嘉與特下徵書內召置木天

吳橋縣志

卷十二

藝文錄下 序

六十一

掖垣之間大其用以光社稷余不佞仗庇宇下欣逢盛事又何幸焉雖然侯行矣難爲繼者元紘之遷烏鵲擁行攀轅遮道者不知其幾余鵲淹羈旅彳亍道路未獲從父老後截鐙乞留而終不能自己於言也乃遠望作歌以送之歌曰勉勉我侯厥維天授玉纍鍾靈蛾眉誕秀忠孝神明蜚聲騰茂我侯孔嘉讀書五車瞻言百里含英咀華詩書滿座疎簾退衙侯有異政五申三令撫弱以仁憂民如病民之生子以字以姓金堂去思釜魚留詠誰宰崇陽拔茶植桑導以德化墨綬銅章榆次集鳳茂陵杜蝗維我仁侯人識甘棠甘棠蔽芾蔭茲下邑弔死扶傷化離輟泣圯堞增修戎伍日習捍患禦災民是用戢緬維我侯山川

間之渠渠夏屋併覆無私俯仰琴聲三善十奇朗然秋月如何
勿思明明天子念此循吏賜緋褒稱五題召試一曰九遷社稷
偉器行焉邑侯擁道遮留歌誦明德孰與之儔紀碑刻石遺愛
千秋展矣君子百祿是適我思其風山高水流

詩

古河隄

薩都刺

迢迢古河陽隱隱若城勢古來黃河流而今作耕地都邑變通
津滄海化爲塵堤長燕麥秀不見築堤人

鉤盤行

趙如升

山川光怪有圖經卷中往往探奇形但恐滄桑似蒼狗古今夷
險常徑庭去年司鐸來吳邑邑少名山插天立長溪大澤亦無
之遊屐安閑不須給鄉人忽告禹跡存鉤盤就道出南門蒲輪
急駕趣不暇手持邑乘細討論回思大聖心何苦千里萬里施
長斧鑿通地脈散洪流生民不觸波濤怒登臨望去塞黃塵舳

吳橋縣志

卷十二

藝文錄下 詩

六十三

鱸寂寂豈長津一片荒涼如陸海青茅白葦舞蛟鱗曾聞大地
皆含水豈同青濟伏不起又聞濁流無定形百萬金堤終日徙
相對忘言空自疑閉目靜想滔天時茫茫上下都一色五丁汗
血戰馮夷水伯飛廉那敢寧八年奔走輒未停胸中煙雲生變
態鼻端風集尙龍腥至今飛鳥不敢下幾點牛羊隔平野須臾
月上光景新滾滾銀濤霧裏瀉默感地運有盈虛稽圖按籍徒
信書九河常懸天壤名昔日狂瀾今爲畚野人謂余且莫惜歲
歲吾鄉水爲厄此間汪洋水百尺猶恐終爲蛟龍宅

壬戌中秋酌月方罷城西忽報寇警當夜移書請兵于時
引燭揮毫與杯酒共爲淋漓一段意氣不覺自雄偶憶其

事詩以記之

鄒嶧城邊戰骨高，血腥染月黯平濠。
偏當盛日聞傳警，不放清尊看佩刀。
談笑憑將吞賊壘，緘書飛去代龍韜。
整閑應愧圍碁墅，午夜籌兵氣自豪。

去國辭陵忽大風雷

曉望鍾陵紫氣開，五年拱護愧非才。
狂愚有罪臣應死，高厚無私怒易回。
帝鑑自能明日月，孤忠敢詫動風雷。
去天淚洒重回首，何日妖氛靖九垓。

甲申殉難遺筆

范景文

孤臣空洒淚天步，遂如斯妖蝕三光暗。
心盟九廟知翠華，迷草

吳橋縣志

卷十二

藝文錄下 詩

六十四

路淮水漲煙漸，故國千年恨忠魂，遠玉墀。

初夏雨霽公庭無事喜賦

龔 勉

新晴良足喜，况復寡塵侵。公案無文牘，空庭滿綠陰。
身閑真吏隱，縣僻類山深。莫道離羣久，相隨有鶴琴。

題范司馬小像

用老杜二語

董其昌

青鬢朱顏報主身，文人隊裡畫麒麟。
指揮能事回天地，訓練強兵動鬼神。

靈海貞松篇

有序

魏光緒

靈海貞松爲王門三節賦也。若夫風霜摧剝，天地晦冥，鷗鷺一鳴而再鳴，孤雛輒撫而輒環，截耳之恨已自難名。髣髴之詩，何堪再讀。而彼三氏者，均能誼重在三志，堅從一母，女姑媳之際，似有淵源。孝義節烈之風，真成授受。豈非

天地俠烈之氣有獨鍾於婦人而人世懿美之源有不專於男子者哉代而季也衣冠縉紳之倫有不可言者矣彼甘以其身為垢府徒取一時之名而不顧萬世之非議者抑獨何歟覽斯卷也能無赧然汗下也哉孟子曰聖人百世之師也奮乎百世之上百世之下聞者莫不興起也三氏之節其所風者遠矣予艷其事爲賦貞松篇以傳焉

維彼有貞松託根靈海傍上枝拂雲漢下枝封雪霜凌寒不改色四序常蒼蒼一株復再株三株儼成行虬枝互糾結冷韻時激昂攬之多異彩嗅之有餘香茲物神所護歲久呈嘉祥靈芝茁其下鬱鬱燦華房持爲當宁獻一顧生晶光嗟彼桃李姿三春何煒煌一朝集霜霰零落不自將維彼薦與蘿引蔓空自長中道失所倚棄置成萎黃乃知三古松中有元氣藏所歷多異境所守固有常我歌貞松篇歌若不成章庶幾千載後挹此瑤

吳橋縣志

卷十二

藝文錄下 詩

六十五

華芳

雙節歌爲季室劉祝兩孺人賦

蘇鶴成

瀾陽正氣傳瀛南幽閨光烈真鬢髯在昔范相文忠暨女弟忠孝風節文章鬼神誠百餘年來數季室更逢

盛世聲教漸維劉維祝志操並宜家風世持身嚴任禮及笄共秉德內則班箴夙所諳誓心年皆末二十從一貞德恒已占辟塵質映兩犀鎮無波沉均古井恬嗣續式穀拊畜切左右病姑視聽兼茹荼集蓼越三紀玉潔水清總無慙固宜輿論馳赴萬里達

閭闔鳳諾下

九重五花含吁嗟乎一爲叔姑一爲兄章之冢婦可例彼偉丈夫篤忠貞而守法廉旌淑表里東西朔南周徧咸

聊城吊古和丘毛伯

并序

范景文

聊城故有魯連臺爲先生射書處予至郡年餘矣以忙中未有詩也會毛伯以使事至因出弔古二首示予其意以先生教燕將叛燕不得稱天下士予覽未及竟走筆和之雖不敢謂爲先生知己亦聊代解嘲庶贖以未有詩之過云爾

英雄露本色時時其鋒偏排難別有爲違計齊與燕可將易一城所全豈小然齊止還其故燕亦何曾捐雖然數之字氣應將

吳橋縣志

卷十二

藝文錄下 詩

六十六

千年不有成功者血憐斷郊煙相絜試較量更者孰爲賢奇人好輕詆侮吾魯仲連

其二

破城不得生何如未破死贏得身不辱且了人臣事先生代前籌自籌豈過爾亦復成人名成功似不止一舉兩得之斯名天下士正中忽出奇腐儒那得比

於陵弔古和王季才

范景文

枯峭礪石寒溪水洗耳之清冷漱齒弔古借問誰氏居傳是於陵高士里於陵何必遜首陽山薇芬留井上李孤竹兄弟仲夫妻千載將無一致爾怪是嶧山著論高强欲律以中庸旨不思

中庸解誤人易爲貪夫作喙矢欲挽頽波砥中流行徑何妨太
卓詭肯將耳目易廉名雖然矯節亦可喜若做莊生齊物篇舜
跖誰非以殉死孔門思狷難其人吾欲舉一陳仲子

漂母祠

范景文

世間誰謂男子智胯下侯王眼不識塵埃物色有英雄衆人所
難婦人易一飯博換千金來千金不受名乃至衿鞶者流如此
奇言下尋繹有深致進食吾以哀王孫豈以壺餐因爲利功臣
事業純臣心望報不可皆此類圯上黃石教子房子房用之赤
松避吾悔不用蒯生言惜哉未達漂母意

弔方先生墓

范景文

吳橋縣志

卷十二

藝文錄下 詩

六十七

夷齊叩馬諫原不爲武王心憂篡弑者借口于代商武烈當時
變二子念天常各自具深心並行豈相妨頑民遷洛邑義士死
首陽死名與死節武俱不忍傷一時兩知己千載有臣綱憶昔
方正學將無同肝腸氣不激不烈節不烈不揚悲風寒木未至
今有餘愴

歸

范景文

表衣生怕染京塵乞得江湖老此身無用將從樗櫟伍有家願
與鷺鷗隣桃源遁去何知晉東海死甯不帝秦夜月幾回勞北
望衝天黑氣壓青燐

北吳歌

有序

王先

予寓吳川兩載矣邑不大而案牘無勞乃以餘暇輯所聞見日積月累編之成韻得三十首中間悉取謠俗稍爲擧括不敢易其本色蓋寧俚而真毋寧文而贗也昔人作柳枝竹枝詞近鍾伯敬寓秣陵作桃葉歌皆採鄉語土風發其一時情至之語今予之作亦猶柳枝竹枝桃葉之意云尔若夫綴以北吳畧有微義良以南有吳下北有吳川吳下人競推之吳川則不佞所獨賞而特荐之海內者也噫千百載後安知吳川不與吳下並傳乎

編戶家家作土屋似凸似凹格起伏林深那復識柴門厖吠一聲人五六

春來消息可曾探二月遲遲恰初三纔見柳青回薊北忽聽鶯囀訢江南

打號車上口囉囉一曲聲拖數里多于調于音都不解問人浪說使牛歌

吳橋縣志

卷十二

藝文錄下 詩

六十八

春來院院起鞦韆仙子驚看落半天日舞春風夜舞月不嫌頻

露小金蓮

諸生雅有彬彬致不向公門千隻字朔望偶來拜聖人班行一出商疑義

北吳歌

有序

范景文

我吳之來舊矣向無詠而歌之者有之自退如使君始余乃得讀而和焉余吳人宜習吳事一行作吏日事遠遊到家反似客即廣咨問不過十中二三耳爰搜近事合之舊聞稍擧括以答來韻並與里唱途謳共爲作止以俟觀風者采所云北者以別于南謠俗聲情各還本色不欲旁摭失實敢云三吳可四耶

層層柳色水平池三里孤城月照陴山雨樓空鐘罷響開門忙
煞賣糕兒

龍潭月冷澹無波自昔瀛洲帶九河北望燕京南接趙土人猶
說古悲歌

鉤盤擊浪注東來風捲蹄輪碾作埃搔首築堤人不見最高傳
是祭風臺

元宵踏月月如銀士子焚香拜聖人道遇女郎走百病南關燈
火一時新

春來多半是風沙雨後新晴一抹霞梨白桃紅楊柳綠蘋婆花
似海棠花

春鋤帶雨潤如酥風送農歌動地呼怕說城中飛檄至修堤河
上點丁夫

吳橋縣志

卷十二

藝文錄下 詩

六十九

鳳仙浸指甲尖緋架上石榴簇作圍茉莉南船新寄到百錢買
得一盆歸

菜香瓜熟棗離離正是田家快活時官苦微逋私苦債隔隣含
泣賣妻兒

家家釀酒泛黃花初熟携將問狹斜一曲新聲聽不了留眠過
夜醉琵琶

潤袖高冠士氣馴從來文事儘彬彬近科只說丙午盛十五人
中舉六人

北吳原不是東吳古意如今問有無擊筑餘風勞想像一時俗
尚喜言蘇

新正廿五號填倉掃地羅灰列圃糧更待龍頭擡起日井邊遙
引入廩房
中元前夕事秋嘗蔴谷折來俎豆旁更得古人剝菹意瓜開蓮
瓣細升香
驛遞星馳晝夜傳人肩瘡痂馬號穿口糧乾正悉如意鞭背仍
誅壓馬錢
當窗杼柚自徘徊納罷丁糧鹽又催今夜不眠須織就明朝里
長復重來

北吳歌

北吳歌者歌詠一方之風土也前輩佳什載在縣志言之
詳矣百餘年來人心非舊風俗亦新滄海桑田感慨攸係

吳橋縣志

卷十二 藝文錄下 詩

七十

聊爲補述以備陳風者
之採取云辛未春日

月冷空潭城柳枯當年景物半模糊惟餘曠塚秋風裏千載英
靈壯北吳

城外荒陵城裏祠丹心古井到今思行人展拜情無限淚落忠

魂繞玉墀

無兄無弟悲終鮮分土分財事未央近日公門添案牘干戈大

半起蕭牆

一夜西風欲變秋堦前絡緯動閨愁清砧坐對心如搗紡織聲
聯苦未休

北吳歌

王允長

王邑侯以三吳爲南吳以吳川爲北吳採取土俗風謠隲括成韻作北吳歌三十首范夢章如數和之稱述備矣予應夢章命亦勉和成數首
搜擇不足固不能及數也

城外長隄立小山羊腸鳥道老松園閑來與點亭中望萬井炊

煙指顧間

二水夾流障一陂水光掩映障參差青青河畔堪圖畫愧乏中

分白鷺詩

雪舞千郊風更恣行人驢背衫遮鼻和驢帶雪入前村人意猶

清於雪意

秋來雨水景堪圖澄碧堂前一片湖裏面若還添數舫將陵也

得傲姑蘇

吳橋縣志

卷十二

藝文錄下 詩

七十一

極目平原何所抵大觀政可空山水眼中倘不隔雲煙千里神

京對面爾

有雨無山也不奇有山無雨亦終癡何人樓上題山雨雨意山

情欲撲眉

北吳歌

王作肅

北吳之名始于思侗王公譜之成歌先舅祖范文忠公和之著在縣志吳借以不朽已歷今甲子一週氣景人物轉跟滄桑六十六年後寂無色徐侯天石留心邑治詢於芻蕘若以余邑人悉邑事必有一得以嗣音兩公者因不揣鄙陋隲括成韻方言土俗概取新聞不敢拾人牙後無當時宜庶幾卧理時偶一寓目亦宣德達情之一助云爾乙

丑夏
月識

北吳歌調古來傳花甲重週六十年城郭不殊風景異撫今思

昔轉淒然

征徭依舊一條鞭時運難逢大有年
遠近村村林樹密人稠土瘠更難堪

去年辛苦事西疇水旱縈心望有秋
城南赤地城北澇多少遷移在外州

城西十里傍漕河濬淺頻簽夫役多
招募土人工食足咨嗟猶似舊時麼

儉樸當年白苧袍而今華奢鬪丰標
關東靴子廣東緞寧下胎纓塞下貂

巨室張筵列錦屏香煙燭影滿中庭
不思下箸中人產坐客盈

吳橋縣志

卷十二

藝文錄下 詩

七十一

前醉醪醕

列肆經商巧賺錢時新衣馬鬪標鮮效
尤逐末誰家子入市年年賣祖田

一縣羣興是吃煙火鏹硝紙在腰懸
冬除霜霧春除疫值得年年費萬錢

四時果木徧郊原玉李冰桃綴露繁
剝棗蒸梨風味好家家宅後起新園

千秋不死寸心丹正氣忠魂烈日寒
賜祭賜田經制在春秋留與後人看

積翠園荒碧柳疎衡茅重復葺吾廬
橋東點綴亭臺小空谷無

人自讀書

北吳歌

并序時已
西正月

吳名鳳

吳本南地此何以稱北吳別乎姑蘇建業而言也又何以稱吳橋則以燕慕容垂封於吳而築橋於此故從其封號而名之也今縣志有前邑侯王明府北吳歌三十首范文忠如數和之余雖寄若薦蘿亦敬同桑梓旣在北而言北卽居吳而詠吳聊仿竹枝藉書筠管

封吳艷說慕容垂引水爲川灌溉之於此築橋真涉荆至今猶憶北朝時

旣別東吳稱北吳善歌何可繼聲無使君如命輶軒采願踵前

吳橋縣志

卷十二

藝文錄下
詩

七十三

于唱後喁

舊治安陵自漢初水環城外驗非虛吳橋縣自吳川置始信九河經禹疏

九河俱在古瀛南故道無從禹穴探祇有鈎盤蹟如繪麥苗窪處水猶藍

殺身便可許成仁廟貌巍然俎豆新乾石橋邊風颯颯傷心四
十日孤臣

共識吳川一都會每春燈節至重三貨財所聚真無限漢北遼
東暨海南

連鑣按轡出西關牝牡驪黃虎豹斑價是千金足千里半供車

騎半田間

此間十畝果閑閑不種桑麻種木棉乍認牡丹真失笑總因人
喚作花田

武清兵法似淮陰別足終難別此心娟嫉如滑真毒手那知樹
下毒尤深

黃河隄上岸崔巍懷古心隨望眼開與點亭邊斜照外最高處
是祭風臺

譙閣曾題山雨樓風行草偃賴賢侯鐘聲喚起春城夢星月猶
明戴得不

將陵古蹟有空城重合還因孫子名萬皂荒煙無覓處惟留青

吳橋縣志

卷十二

藝文錄下 詩

七十四

草遇春生

井冽寒泉味轉滋波瀾不起澹于詩清涼滿腑心無害絕勝餘

杭聖水池

有明馳驛置連窩一片糧帆接衛河雨少怕聞船閣淺截流又

唱紇那歌

魚鮭米果集安陵遙望三灣樹幾層聞道唐睢曾此駐先秦文

獻有誰徵

南有花園北復園當時名迹已無存踏青偶上文忠墓却愛松

陰護石門

司中司命兼司祿兩兩星聯氣似珠怪得人才蔚雲起文昌飛

閣在城隅

魏公槐歌

有序時辛
亥重九

吳名鳳

召南之詩曰蔽芾甘棠勿翦勿伐召伯所茇此非詠甘棠也乃因召伯舍於其下故思其德者並愛其樹而不忍傷也余今寄籍吳橋與儒學朱懷民先生相友談次示以縣志曰

國初有魏公司鐸于此持身端謹課士勤能曾於明倫堂前手植槐樹十四株至今尚存其二土人思其教化每稱之曰魏公槐倩予作爲歌行以爲苜蓿生色按縣志魏繼樾字憲文順天府通州人順治戊子科舉人順治十四年

吳橋縣志

卷十二

藝文錄下 詩

七十五

任其行誼志載頗詳不具論而今諸生覩槐市芬郁不減甘棠蔽芾云余與懷民步至堂前見左行存古槐一株枯幹槎枒與密枝綠葉者相間洵足數百年物右則濃蔭團圞清陰滿匝不知公植全槐時其葱蘢又當何如而吳人至今以爲美談曰猶望魏公也

魏公槐乃在頰宮之中明倫堂前儒學正副之兩齋公來吳川振木鐸乃在順治十四年車書一統文明開公訓多士重本務先倫誼而後文才端人取友亦必端士風熙然登春臺課士胥遵科場例經書七藝憑心裁如珊瑚網得玉樹如大藥籠儲羣材諄然善教歷五載習氣一變駁與隕科第聯翩如鵲起憶公

酒醴洽笙簧

書院之作功成不日公於落成之日邀集諸同

一時之盛調材同襍線寧容續貂而候蟲自鳴復不
甘作羊公之鶴勉成長句奉和不顧公之齒冷也

侯之福我

遂百昌仁覆花縣溢芬香永矢弗諼兮愛我甘棠

吳橋縣志

卷十二

藝文錄下 詩

七十七

賦

文昌閣燈賦

以廣行陰
隴爲韻

季 炬

天府司權文宮著象三雉崇基九霄直上重樓夜靜芒連北斗
之樞畫閣朝暉氣挹西山之爽峙峻宇以巍峩俯郊垌之寬廣
危磴層疊目縱而遠野平曲檻週迴雲來而塵胸盪如飛斯翼
奮南圖者九萬程爲彼倬章發長燄者百千丈卽此宏開文運
已成章報之七况乎普照靈光更饒明作之兩時維三五節屆
春正星光皎皎月彩盈盈翠霧香烟爭尋嫩約詩人酒伴共結
閒行碧街光聯乎鶴燄桂華魄滿乎雕甍燈火萬家快憑欄之
一覽洛陽千影倏繞壁以環生榮光疑自河邊珠明貝闕蠟燭

吳橋縣志

卷十二

藝文錄下 賦

七十八

誰傳日暮花燦春城爲啟文治之英華宜來多士欲窮四圍之
極照更上一層爾乃合豹髓集蘭心感德照仰咸臨紛星毬之
點點垂珠佩之參參照灼蚌脂碧爲雲氣飄飄荷蓋響雜鈴音
借泰墻以共艷補漢月之遺陰如四照運盤闕來萬影比百枝
同樹高可千尋南接魁垣光耀品流之鑑西連鬢序春生翰墨
之林青藜然太乙之精文將訂卯丹桂發廣寒之蕊時恰移壬
望去蝸宮片片飛成霞岫遊來赤岸層層步入烟岑擬節物於
吳門影搖花眼傲乖崖之俊製勢聳雲簷稱此良宵有如白日
不盡南油爭然西漆輓塵過兮人影香寶車至今馬蹄疾歡深
五夜何處無雙踏遍六街斯爲第一仰宮闕之璀璨知煥文人

肅瞻拜以登臨思協天騰詎同開元之故事燭列千圍維茲景
運之靈樞光昭一室此時星明目麗允稱一刻以千金他日霞
蔚雲蒸更俟二月初吉

瀾陽書院告成賦

劉祖梅

宮牆美富學士盤桓成茲義舉共仰大觀開吳川之文運
萃間氣於鈎盤修書院而毓才振揚士氣立師箴而教誨
滙聚文瀾惟憶瀾陽古曾備記粵稽書院今此如彰想經
之營之我侯大其圖度作之新之衆庶樂爲趨蹌舉首東
瞻葱鬱魁垣之氣凝眸南眺潏洄德水之光卓立講堂宛
似修工於湖左宏開廣廈儼同効力於岐陽則見虹梁耀

吳橋縣志

卷十二

藝文錄下 賦

七十九

彩鴛瓦鱗如杏壇高設蘭室深居匪茅齋之淺狹異芸閣
之蕭疎座列白眉快試三都之賦人逢青目胸羅萬卷之
書鼓舞士儒裁成狂狷旣告鳩工預占鶚薦行看彼都之
歡咸頌

慈君之彥先計栽培棧樸牖此人文豫籌瑞兆芙蓉課茲
藝院其勢也如鳳翥之翱翔其形也若龍門之深奧試場
已列勤摩厲以相須大廈旣開嚴校讐而化導吉人感戴
乎恩波多士敬聽夫文告於是鎖院量才不乏雞碑之慧
登堂領訓遂瞻虎觀之明松竹有象燕雀歡迎窗盈紫氣
門絢霞晴或憑茲而遊泮或藉此而登

瀛宛爾翬飛構就居然輪奐觀成由是黎庶頌稱邑人仰慕

舊制重開鼎新革故惟

皇上珍重士林廣修書庫

螭蚓願志士之常登

鳳閣欲名儒之聯步則誰不思對

寅階而簪筆以題如日之詩拜

丙馭而揮毫以作凌雲之賦也哉

吳橋縣志

卷十二

藝文錄下
賦

八十

